


詩稿  
(一)

特別  
A18  
4840  
1







祝帝國議會開院式歌

江戸開府三百年祭上野東照宮祠

下作

穆如清風閣用箋

陽、敬、沃、霖、腫、過、冥、陌、卦、語、月、詔、蘇、徑、職、虞、錫、阮、職、霰、御、翰、賄、皓、屋、皓

亞細亞洲連延長大小國土多分疆底事  
氣風概難競文明未得望西洋姑息偷安  
漫成俗無復一人慨以慷宜哉比比昧時  
勢救世急務付茫茫日本帝國名獨重天  
子英明民忠良誓除弊習圖進步宿計豈  
是須臾志曩傳特詔豫明示趣旨剴切一

何臧百度自今期釐革泰西良法偏商量  
桔据鞅掌無敢懈鼓舞鞭撻超尋常諸般  
設備畧就緒新興氣運不可當明治庚寅  
十一月西踐前言破天荒五畿八道行撰  
舉各擢俊乂來集堂謹論糾愆忌憚少公  
議獎利研覈詳立憲政體茲確定祖宗寰  
域增輝光帝駕新臨開院式儀仗森嚴不

祝帝國議會開院式歌

亞細亞洲連延長。大小國土多分疆。底事  
氣風概難競。文明未得望。西洋姑息偷安  
漫成俗。無復一人慨。以慷宜哉。比比昧時  
勢。救世急務付茫茫。日本帝國名獨重。天  
子英明民忠良。誓除弊習圖進步。宿計豈  
是須臾忘。曩傳特詔豫明示。趣旨剴切一

何臧。百度自今期。釐革泰西良法。偏商量。  
桔据鞅掌無敢懈。鼓舞鞭撻超尋常。諸般  
設備畧就緒。新興氣運不可當。明治庚寅  
十一月。迺踐前言破天荒。五畿八道行撰  
舉。各擢俊乂來集堂。謹論糾愆忌憚少。公  
議獎利研覈詳。立憲政體茲確足。祖宗寰  
域增輝光。帝駕新臨開院式。儀仗森嚴不

亂行。歡聲如涌溢。首府相逢萬人額。手慶。  
愚鈍書生亦感激。欣喜踴躍自似狂。要陳  
蕪辭表寸悃。已調私裁詩一章。所願上下  
益努力。互修其職不相妨。善政一布終無  
變。銳意致治邀福祥。帝室臣民總得處。闔  
國和協隆且昌。英佛獨米齊驚歎。或悔平  
昔誇富強。出藍聲譽於是在。偉功丕績彌  
顯彰。字以景仰事通好。聘問厚禮盡梯航。  
此日此時殊堪祝。空前盛況壯東方。亞細  
亞洲試改造。更始日本真擅場。

勅諭紙省局洽

曆三百年祭上野東照宮祠

下什

雲黯澹。日光空。當時八道苦禍亂。訴冤良  
 氓嘆嗟同。公提公劍慨然起。能歷百戰定  
 羣雄。或疑彼蒼夙無祐。屢脫危難成大功。  
 荆榛拔。阡陌通。相地開府創世業。遺澤迨  
 今終無窮。

社用箋

江戸開府三百年祭上野東照宮祠

下作

雲黯澹。日光空。當時八道苦禍亂。訴冤良  
氓嘆嗟同。公提公劍慨然起。能歷百戰定  
羣雄。或疑彼蒼夙垂祐。屢脫危難成大功。  
荆榛拔。阡陌通。相地開府創世業。遺澤迨  
今終無窮。



春朝戲詠

梅花雜詠

落梅

春初偶述

新晴

今朝

暮春雜詠

春日閣情課題

即事

故槐南博士七周忌辰賦此述感

又

壁間挂故博士書幅因次其詩韻書

此

雨中晚望分韻得肴

穆如清風閣用箋

家園

雨中晚歸

夏日早發

夏夜即興

秋初夜坐

秋思

月夕次韻

海樓觀月分韻得先

野墅

香園翁東上榴社同人設宴于二州

橋畔錦水樓邊以溫舊盟席上分韻

賦此

詠史二首

殘臘

春朝戲詠

東軒晴日麗。朝起竹懷開。細君親給水。盆  
裡貯紅梅。

梅花雜詠

素服淡粧塵外姿。緣何再會續佳期。酒家  
門掩林垞寂。月落參橫又此時。

落梅

玉蕊紛飛不自禁。憑欄惆悵對園林。掩苔  
暗馥雖猶在。依竹清標終叵尋。昨夜月簾  
留夢影。斯時風笛遞愁音。人間無限摧殘  
感。閱到江南特地深。

春初偶述

幽栖托迹俗氛空。矧又春回景物融。休積  
黃金撐北斗。且餘蒼鬢對東風。鶯花應候  
自邀興。利達誇人誰競巧。只好優遊適吾  
適。琴樽消日不言窮。

新晴

新晴步履趁春朝。殊覺脩隄媚景饒。慢水  
疊漪江雨斂。初陽騰彩郭煙消。杏花婀娜  
紅依店。楊柳輕柔綠拂橋。旋有送春浮寸  
黛。眉痕淡澹向人描。

今朝

今朝好晴色。水木含光暉。出吾溪中屋。信步無羈鞅。時澤一如此。隨處觀化機。鳥呼花遮徑。魚靜苔被磯。半日涉幽境。乘興猶未歸。家僮挈筐榼。追躡情不違。欣然藉草坐。小酌聊相依。山酒慣酸苦。野肴充甘肥。悠悠故物外。意自忘身世。微考槃得遺趣。前哲私廢幾。

暮春雜詠

無多滋味與誰同。偷擬當年厲太鴻。庭院重簾遮漫夢。醪醖翻雪暮春風。

即事

晚春時節掩柴荆。轉喜端居愜我情。孤榻幽眠午初覺。紫藤花下茗煙輕。

春日闍情

課題

落花風靜夕陽遲。倦繡紗窗。覺悶時。無奈  
輕陰變天氣。又催微雨。故絲絲。

故槐南博士七周忌辰。吟友相謀。閑  
追薦之筵于偕樂園。予亦與焉。迺賦  
此道情。

長逝才人何處留。匆忙歲月七回周。閒花  
無賞依空砌。獨鳥如呼近廢樓。竟不分明  
餘往夢。都難消遣惹新愁。招魂來奠今宵  
酒。氣味艷春同冷秋。

又

玷壇何處問遺塵。七度鶯花又此辰。無奈  
才人抱才逃。年年寂寞藝林春。

壁間挂故博士書幅。因次其詩韻書  
此

夜堂致祭薦清罇。返否當年詞客魂。遺墨  
數行新挂壁。只看夢影與愁痕。

雨中晚望分韻得者

迷濛樹色綠相交。節入梅天雨滿郊。未聽  
昏鐘曠先合。濕雲流過寺林梢。

家園

家園天惠多。休把窮居比。紫籜竹生孫。青  
瓦梅帶子。

雨中晚歸

棋罷歸來殘日沈。晚鐘時度古禪林。楓花  
黏屐踈踈雨。又引詩情如許深。

夏日早發

殘蟾澹澹掛林端。早趁清晨跨馬鞍。幽地  
誰家秋已到。一籬風露碧花寒。

夏夜即興

微涼有動夜何如。起捲湘簾待月初。一點  
孤螢出幽竹。低飛明滅落階除。

秋初夜坐

中庭如水月流輝。秋早炎蒸已太微。此夜  
不移梧下榻。怯他墜露濕吟衣。



秋思

西風枕簟早涼侵。獨卧驚秋。琪樹林誰是。  
高歌思對酒。我祇絕調。惜彈琴。同遊如夢。  
楚雲杳。一別有愁。湘水深。此夜離居。寂寥  
感。擬憑鴈信。報知音。

月夕 次韻

叢桂花邊未隕霜。下庭賞夜。趁蟾光。廣寒  
仙府。沈邀我。似換平生塵垢腸。

海樓觀月分韻得先

海樓會吟侶。斟酒樂陶然。玉鏡臨長夜。銀  
瀾接遠天。魚龍氣常動。鴻鴈影時連。留賞  
詫高興。笑談塵慮蠲。

野墅

城市居堪厭。偷閒此扣扃。筠篁連古砌。橡  
栗落空庭。蟋蟀牀吟苦。蝸牛壁篆腥。黃昏  
猶未去。初月耿林坵。

香國翁東上。榴社同人設宴于二州

橋畔錦水樓。邀以溫舊盟。席上分韻

江閣踐幽約。同儔重接歡。鴈天催夕霽。魚

渚斂秋寒。斯日散襟好。異時攜手難。笑談

無所倦。帶醉共憑欄。

詠史二首

頻年不競是南風。一木豈期支廈功。授命  
從來心所決。童謠未必殺英雄。

能忠能孝重彝倫。至性如公最感人。更謝  
宮娥嫌假契。無情身是有情身。

殘臘

殘臘無過者。蕭條貧士家。庭梅翻得意。一  
笑已開花。

龍

熊谷堤看櫻

眎某

游東村山貯水池

高田馬場感堀部氏復仇之事作

夏日寄山僧

題熱海溫泉寺藤房公手植松

熱海望初島有作

伊豆伊東海岸有小池飼養異魚數

種子往觀詩紀之

伊豆伊東葛見祠樟樹歌

祐親館趾

一碧湖

修善寺雜詠三首

殘菊

題畫三首

穆如清風閣用箋

龍

鱗蟲三百六十種。龍稱神物名居重。靈性由來嫌凡區。深湫大壑藏其軀。一朝起雲又呼雨。夭矯飛騰翔天宇。變化不測神哉神。不可媒嬪不可馴。人間畫手費心匠。描爪寫鱗漫摸狀。君不見葉公好畫常畫龍。一遇真龍驚變容。

葉公子高好畫龍於是天龍聞而下葉公見之驚而遠走乃知所好非真龍也事見于莊子

熊谷延看櫻花

良節區虛度。出郭從所之。長堤萬櫻樹。綢  
萼紛繁枝。豈無會心友。聯袂俱追隨。迺過  
青帘店。倚樹聊命卮。天暄蕃皆拆。眺矚今  
正宜。彩雲疊錦繡。豔雪凝胭脂。信美使人  
歎。歡極心暗悲。麗景能幾日。芳春轉較移。  
懷哉蓮玉坊。遁世此披緇。無常悟禪理。勇  
士名長壘。遺剎易牽感。欲歸還遲遲。捺楸  
晚風緊。紅落埋步蒼。

咏某

吾髮已種種。子衿方青青。登賢稱師弟。夙昔親羣經。卷說忽驚耳。怪事傷心聽。辟雍出反側。安期天下寧。舉世滔滔濁。不復分渭涇。誰能尊先聖。砥礪長德馨。子須戒客氣。吾豈託暮齡。時艱誓發憤。與子標儀型。

袖海日語發至情惻惻動人

穆如清風閣用箋



游東村山貯水池

貯水森漫涵太虛。一望真似萬頃湖。引之  
數里入城市。晨夕徧給家家厨。迺知羣生  
所齊賴。此地非是尋常區。迴隄飛橋無不  
備。拮据經營宏規模。遠近林丘亦可愛。景  
物髣髴披畫圖。士女游覽競稱說。其名噴  
噴喧大都。吾來徜徉正首夏。清和天氣宜  
吟軀。水光樹色霽逾淨。爽塏晝靜禽鳥呼。  
蘄徑移步向幽處。高下石磴縈且紆。忽看  
白龍躍天半。噴泉百尺紛迸珠。雄景壯觀  
駭人目。當年造設勞工夫。坐石賞勝欲忘  
返。矧有同伴携瓢壺。我感郊外別天地。不  
許漠漠市塵污。已將貯水施利澤。又把絕  
景供游娛。一舉兩得計何妙。不害吟詠揚

聲譽君不見習家魚池類翫戲誇耀猶有  
山繡徒

穆如清風閣用箋

高田馬場感坂郡氏復仇之事作	城西數里離市廛。老松蒼鬱丘陵連。云是	高田之馬場。復仇有蹤憶當年。武庸赴赴	干城亞。風學劍法究變化。僑居陋巷酒忘	貧。爛醉往往招嘲罵。嘲罵紛集不敢噴。腰	橫大劍。伍閻民。挺身忽赴伯父難。揮刃立	殪仇幾人。斯時約袂無臂紐。或恐奮鬪勝	為負。坂氏少女在道傍。解贈腰纏紅纈綬。	賴此制勝氣勢騰。遂使是物成赤繩。容靖	應求贖坂氏。毀譽易地被艷稱。一朝主家	大事起。雪夜報仇敵。豎子平昔素志茲始	酬。乃與岳翁同就死。武庸疾是壯丈夫。守	節全操不受汙。高田馬場象岳守英風。千	古起復儒。
---------------	--------------------	--------------------	--------------------	---------------------	---------------------	--------------------	---------------------	--------------------	--------------------	--------------------	---------------------	--------------------	-------

穆如清風閣用箋

夏日寄山僧

青松翠竹好孱顏。雲鎖招提門不關。吾願  
與師同結夏。竟無一夢到人寰。

題熱海溫泉寺藤房公手植松

脩幹挺然立。蒼鬱蔭梵宮。手植者爲誰。緜  
言藤房公。憶曾建武際。公贊中興功。元兇  
伏鈇鉞。霸府遺類空。君王意忽滿。大業欲  
無終。苦諫殊侃諤。不得發聖聰。棟梁一謝  
任。蛟龍全潛蹤。後凋歲寒樹。足見公深衷。  
滄桑六百載。皇家運正隆。公靈若有識。感  
激應無窮。兩露天惠渥。青蒼色逾濃。所願  
長加護。終古旌純忠。

熱海望初島有作

吾作熱海客。探奇滯浹旬。有人談初島。異  
聞驚耳新。闔境卅餘戶。連縣從昔存。婚嫁  
限一地。宛然是朱陳。壯丁皆勵業。漁農度  
昏晨。勞苦非所厭。栖息欣接鄰。遇災必互  
助。有樂必共親。無貴仍無賤。不富又不貧。  
已絕競爭念。營生任天真。眼見太古俗。遠

今殊堪珍。聽終興忽發。欲訪別乾坤。青螺  
隱隔水。數里直通津。願此儻舟楫。豫約期  
明春。水仙花滿渚。芳馥偏可人。初島多野  
生水仙。春

初花盛茂。故遊人  
概擇此季節云。

袖海曰。此島嶼之五家山耶。淳樸可喜。

伊豆伊東海岸有小池飼養異魚數種  
子徃觀詩紀之

伊東溫泉國地暖湯作池數魚托湯裡栖  
息各得宜有客談太詳其事頗怪奇徃觀  
勝所聞據實聊裁詩毒魚最珍異道是生  
理微喜怒齊見色紅柒尾與鱗蛇鱷亦驚  
目渾非尋常姿脩體過三尺斑鱗印在肌  
又有金鱗者類鯉勢矜持更有鐵鱗者似  
鯢貌脅威檢來池中物一一世所稀或曰  
熱帶海這種偶有之居處關係大改質仍  
變資溫泉及影響以漸至于茲研究足進  
智省察須寓規篇成自一誦敢道無用辭

伊豆伊東葛見祠樟樹歌

君不記豐公出師征韓年。急騎星馳嚴命傳。伐采豆州巨樟樹。晝夜督工造樓船。英雄勳業不能久。蓋世壯圖歸烏有。可憐中道身忽殂。峩峩船艦亦腐朽。自從巨樟委斧斫。茫茫三百閱星霜。如今何樹爲後繼。亦有葛見祠頭樟。樹十數圍已壯大。枝葉鬱茂含蒼靄。若能珍重加保護。雖千萬載定安泰。祝爲神物供酒菹。里人崇敬不敢疑。道是披誠致祈願。徹驗較著太靈奇。天地銷兵雷王澤。一草一木皆悅澤。此物亦應感國恩。遍爲羣生攘笑兀。此日來觀驚嘆頻。官儒題贊添譽新。嗚呼巨樟豈翅豆州寶。靈瑞長作天下珍。



伊東西北宇佐美村春日明神境外曾  
有一巨樟豐太閣征朝鮮時伐以造巨  
艦事見于安積良齋古樟行

葛見祠樟樹之側設板榜誌帝國大學  
講師史料囑託日下勺水題老樟贊

屋腫、實質、流之、質屋、為聚、昌層、廣阮、

祐親館趾

老雄稱望族。久任伊豆州。平民賴為重。厚  
遇禮數優。鬼武未得志。竄謫在蛭洲。潛行  
身屢出。近傍徧探求。少女密通好。綬繾情  
意投。老雄官京師。斯事知無由。任滿東歸  
日。恨悔深自尤。嬰孩義難鞠。急命沈潭湫。  
風雲須臾會。源軍擁戈矛。麾兵迺接戰。力  
竭終作囚。老雄不貪活。一死名獨留。所喜  
能守節。千載長免羞。經過偶吊古。停步暗  
引愁。館趾任耕墾。黍稷方盈疇。

源賴朝流謫在蛭島屢出來伊東與祐  
親女某通舉一兒祐親仕平氏在六波  
羅還家始知之恐平氏之怒使人攜兒  
投水其水所謂稚兒淵者也後及賴朝  
舉兵祐親率士卒討之不利為天野藤  
內所捕幽三浦義澄之邸遂自刳腹死  
賴朝憫之送遺骸于伊東厚葬焉祐親  
館趾今在伊東所岡區

一碧湖

巨湖湛深碧。匯在羣巒間。異區洵難襲。殊  
覺囂紛鬪。島樹交密蔭。岸葩呈微妍。有時  
怪物出。雷雨來半天。相傳深淵底。神龍宿  
經年。防旱致祈禱。靈驗非所慳。山下幾村  
落。農作生計全。稻田水常足。登稔期不愆。

修善寺雜錄三

法力誰容疑。海公活佛匹。相地初招提。萬代洵可必。除病濟生示。靈奇獨鉅穿。石温泉出。

橋柱題虎溪。明樓署三笑。風雅勞工夫。總與匡廬肖。宋代名緇劉蘭溪。典會千古推。起妙。

我讀源家史。掩卷幾嘆吁。殘忍伴鬼域。擗陷戕無辜。曰甥曰叔皆骨肉。墳塋埋恨同。此區。

鉅  
修善寺  
雜錄三  
五  
廬真韻

穆如清風閣用箋

殘菊

葉葉猶綴綠。花花復抽黃。性耐金氣厲。未  
曾嫌風霜。重陽佳期過。却覺興趣長。秋容  
最宜淡。晚節殊稱香。賞心度日夕。傍籬且  
徜徉。流景遡暮感。何必徒悲傷。憶昔延曆  
世。惜芳傳瓊觴。殘菊入宸藻。于今有榮光。

桓武天皇延曆十六年十月  
催殘菊之宴有御製和歌

題画三首

野寺秋寂莫。鐘磬傳響稀。孤雁傍砌臥。幽  
鳥當軒飛。菊開僧不管。籬角時曝衣。  
山中夜留友。明月懸薜蘿。移榻叙久澗。舒  
懷有詩歌。來日更期汝。丹葉經霜多。  
水淺魚潛窟。雲散鴉度霄。幽人欲沽酒。獨  
往過江橋。暮岸風乍起。紛紛蘆雪飄。

海上風靜和歌勅題二首

兔

天長節恭賦

竹醉日偶題

偶述

新陰

山中驟雨

桐竹

丁卯夏日浴上毛四萬溫泉逗留彌

月偶賦此

四萬藥師堂

少女瀑

觀刈三首

觀鬪蟻書感

穰如清風閣用

冬朝偶書

穆如清風閣用



海上風靜

和歌社題

一碧風濤絕。紅曦**蘸**瑞光。巨鱗潛滅迹。春  
穩太平洋。

前首頗有不盡意之感。因不顧拙惡。  
更賦七古一章。

東海風靜波不翻。曉色始分祥氛繁。縹渺  
仙島何處所。動輝徐上扶桑暎。東方天子  
臨極好。夙重聲教資政道。今朝歌筵修盛  
儀。以海命題賜叡藻。海光激灑千里開。一  
望晴景真佳哉。獻詠須擬昭代頌。觸事矧  
有深感催。歐土羽書曩報變。仗義蹶起從  
征戰。舸艦歷海振武威。敵讐割地服嚴譴。  
兵戎收局妖**禳**蠲。改曆已算經七年。海水  
滉漾碧如熨。直連太平洋之邊。太平洋尚

難寧謐。飛語流言屢失實。誰能輸誠訂宸  
交。鼓吹文明不相嫉。東方自古稱神區。寰  
海清肅民俗殊。聖主計治施仁澤。恩洽未  
肯遺。隙隅。御製一出傳誦速。羣姓歡喜情  
可掬。更期德音化外人。超海遠播西大陸。

海上風靜是實為大正丙寅新年之和  
歌御題而何圖前年乙丑十二月皇上  
俄崩殂新年諸儀例悉皆廢焉追憶當  
時哀痛猶難禁但巴調二首則不敢削  
除私留其稿云

白至上  
大正三年  
崩御  
大正十五年  
二月二十五日

兔  
 阿○晚○昔○住○廣○寒○鄉○夜○夜○搗○藥○求○奇○方○豈○料○  
 藥○成○無○所○口○走○投○下○界○年○月○久○三○窟○深○藏○  
 自○免○危○一○株○固○守○人○傲○癡○仙○緣○已○絕○俗○緣○  
 在○欲○益○人○世○放○異○彩○不○角○不○牙○織○其○毛○  
 拔○為○筆○鋒○工○匠○勞○管○城○之○侯○榮○亦○極○凡○物○  
 終○難○臻○茲○域○人○間○慣○獵○犬○與○鷹○致○敬○勿○漫○  
 加○侵○凌○  
 袖海曰。使蒙恬將軍成不朽之功名者。即此物也。而自昌黎外無稱之。作者斥鷹犬。致敬于此。有以也夫。

我○皇○天○長○節○恭○賦○  
 宣○萬○方○瞻○仰○以○敬○  
 日○如○天○今○朝○聖○節○  
 淑○氣○肅○然○群○黎○齊○頌○  
 壽○脈○澤○無○邊○矧○正○坤○位○  
 斯○蟄○瓜○瓞○綿○綿○邦○家○之○慶○  
 千○秋○萬○歲○金○甌○永○全○  
 袖海曰。此等詩。自蒼海伯後。殆無作者。古調古雅。佩服何似。

穆如清風閣用

竹醉日偶題

一年三百六十日。不可一日無此君。玉立  
階前倚綺綠。晨夕相見情太殷。今月今日  
稿竹醉。一年佳期世所聞。吾不解飲亦發  
興。君醉應知酒有勳。醉去婆娑態逾逸。吾  
醒對坐意欣欣。一醒一醉雖有別。翛然同  
君欲超羣。

偶述

玉川引水入宮牆。唱起豳風七月章。遙聽  
聖躬親示範。五雲生處插新秧。

新陰

四鄰新綠合。紅紫已茫然。庭院午如水。林  
園晴欲煙。夢魂時化蝶。日夕聽啼鶯。詩思  
托幽草。太憐花後天。

山中驟雨

嶺上雷聲起。風車走阿香。黑雲翻漆墨。白  
雨迸銀漿。陰壑龍將動。高林鳥已藏。須臾  
天放霽。涼色麗斜陽。

桐竹

直幹桐挺挺。繁枝竹森森。園庭何所有。此  
物聊適心。竹也可爲笛。桐也可爲琴。材良  
未忍斫。愛護年月深。長夏例移榻。閑襟坐  
清陰。不信城中熱。鑠石而流金。

禮敬極嚴我語有英思慮其

昭和三年  
丁卯

丁卯夏日浴上毛四萬溫泉逗留彌月  
偶賦此

靈泉湧日夜。卓效非可疑。四萬雖多病。浴  
者皆得治。乘暇訪茲境。遠與都門離。山高  
地勢峻。直連白雲陲。氣候殊爽快。驕陽不  
逞威。拔海三千尺。六月冷透肌。風景幽且  
秀。宛似圖畫披。巒崖巨瀑落。轉石急湍馳。  
因猜造物者。寵眷時弄私。不然一僻土。何  
以能如斯。所惜途險仄。深泉客臻稀。我今  
久留滯。試浴朝昏宜。身本無痼疾。亦頗覺  
醫疲。感之欲表謝。紀實聊賦詩。山靈亦應  
喜。闡幽更顯微。

穆如清風閣用箋

四萬藥師堂

四萬有藥師堂一字實係左甚五郎

所建余遊此地閱故老之談甚詳也

因作此詩

不、紉、山、上、古、堂、宇、誰、建、之、者、左、甚、五、左、手、

執、鑿、技、稱、神、他、人、豈、得、接、步、武、維、昔、客、遊、

來、此、鄉、暫、投、村、舍、解、旅、裝、一、宵、輾、轉、訴、眼、

痛、金、篦、難、醫、獨、悲、傷、村、舍、少、女、明、慧、質、早、

認、甚、五、情、交、密、祈、願、如、來、致、誠、虔、再、令、名、

匠、觀、天、日、甚、五、感、激、淚、暗、吞、誓、將、微、物、酬、

洪、恩、齋、戒、起、工、工、漸、就、自、攜、新、婦、賽、山、門、

歡、樂、幾、時、緣、遽、絕、甚、五、一、去、作、永、訣、孤、獨、

筑、筑、住、堂、傍、蓬、頭、荆、釵、全、貞、節、故、老、語、我、

概、如、斯、可、無、費、說、裁、一、詩、女、子、炯、眼、具、鑒、

四萬溫  
泉江遊  
公故老  
在甚五郎  
乃遊也  
とふ  
とふ



識終見名匠。遂心期。星移物換。三百歲時。  
人。今。識。重。工。藝。甚。五。聲。響。日。更。隆。典。型。矩。  
獲。足。耀。世。堂。宇。曩。經。官。銓。衡。丁。寧。庇。護。專。  
光。榮。靈。境。添。靈。國。之。寶。直。與。如。來。傳。其。名。

藥師堂所安置之如來尊像。明治四  
十四年官指定為國寶。而堂宇則明  
治三十二年既為特別保護建築物。

近日更有編入于國寶之議。  
藥師堂別又有佛像及額面。以木為  
之。同係甚五郎所刻云。

少女瀑

少女瀑亦爲四萬名勝之一。相傳建  
久年間。源賴朝息女八重姬者。投身  
之處。一日往觀。偶有此詩。

少女麗質初笄年。可憐投水命自捐。幽瀑  
千古表其處。口碑相傳名夙著。少女本是  
源家宗。時非僻。匪。暫。潛。蹤。風。雲。際。會。便。乃

父。定。霸。鏖。臺。開。幕。府。倚。獫。狁。偶。試。東。北。行。途。  
過。此。地。停。旆。旌。骨。葬。遭。遇。似。可。必。豈。圖。良。  
覲。期。終。失。少女悲泣掩紅顏。一宵辭家不  
復還。幽瀑觸巖聲如咽。絲絲怨恨長不絕。  
我來憑吊聊慰魂。且代蕪蘩陳數言。人生  
得意不能久。富貴頭榮亦何有。鏖臺霸業  
歸草萊。乃父墓石已傾頽。瑩域深喜托幽  
瀑。異區迄今免藁葬。

賴朝在伊豆私狎某女，舉一女，即八重。重姬者也。然憚人之指目，密命其臣田村隼人挈赴他國，鞠育焉。賴朝後亡，平氏開霸府于鎌倉。某年大獵，東北之野，遂入毛州，跋涉山間，偶過隼人，與八重姬隱匿之處。隼人告八重姬，以實謂骨肉緣不絕，父子相見在。近然，賴朝急去鎌倉，後期亦不可必。八重姬悲歎懊惱，難自禁，遂自投于瀑而死。從是有少女瀑之名云。

觀刈三首

稼穡告功否。田疇秋已深。乘晴往觀刈。何  
限憫農心。  
農是古之遺。耕田收瑞穗。此俗漸難存。人  
人稱市利。  
國有九年儲。太平期可待。誰定備荒謀。深  
耕長不怠。

文獻徵實一真震魚諫一七龍佳戲一後震庚震  
元震先豔

觀鬪蟻有感書此

羣蟻開事端。庭前方交戰。對抗爲兩軍。飽  
期齊憤怨。頃刻攻擊催。一齊氣勢熾。勝敗  
關存亡。真個決意見。死傷夥難詳。互喪精  
銳選。伏屍混沙塵。悽慘幾掩面。殘者更可  
憐。驅馳極疲倦。猶且求穴逃。全身冀安便。  
蟻以禮義聞。稟資豈下賤。亂鬪翻敢非。容  
易招罪譴。口腹或累身。事物恣枉徇。不然  
荷嘉譽。何遽學暴慢。人生亦多尤。征利眼  
常眩。是故排同儕。賭戰屢稱善。閱世及卽  
今。陋態竟無變。從知叫文明。妄詡仍妄銜。  
因蟻呈直言。獨自援筆硯。誰能誦斯篇。諒  
我箴誠念。

冬朝偶書

霜飄拂前林。落葉庭上布。早起自掃除。把  
帚從勞務。堆黃忽如丘。頗礙雙屐步。點火  
迺燒之。青煙縷縷吐。小童來在傍。埋灰煨  
藟芋。晨厨未供餐。飢腹宜飽飽。久住都門  
中。得斯山家趣。粗野君勿嫌。賴保天所賦。

春朝口占

溪居春夕

遊墨堤

春曉

春晚雜詠

初夏口占

初夏口占

初夏村况

夏日偶詠

對棊

湖亭小集

隨鷗吟社大會用唐人黃滔詩韻

又次三宅真軒韻

掃葉

秋夜雜吟

秋夜雜吟

穆如清風閣用箋

種  
蔭

初  
雪

極如清風閣用箋



春朝口占

曛曛紅日正新晴。詩興今朝屬早鶯。梅影  
上簾人未起。丁寧喚夢一聲聲。

溪居春夕

此夕溪窓帶月開。留君談笑興佳哉。一瓩  
清冽煎茶水。汲自梅花深處來。

遊潯堤

良暇尋春去。脩堤一路斜。鶯聲時隔竹。蝶  
意不離花。詩向囊中得。酒從壺上賒。出遊  
催晚景。猶未欲歸家。

春晚

曉鶯啼破半庭煙。早起下階春可憐。昨夜  
海棠微雨過。照脂如酒轉鮮妍。

春晚雜詠

是紅是紫有何辜。風伯無情足嘆吁。終日  
摧芳威未霽。晚來更與雨師俱。

初夏

兩餘新綠淨娟娟。林榭鈎簾初夏天。蒸蒸  
鶯鶯難觸興。詩情方屬一聲鶯。

初夏村况

春蠶漸了夏蠶催。遠舍稠桑綠作堆。老媪  
持筐別收葢。丁寧製密熟烹來。

夏日閒詠

幽庭樹影上窓紗。院落無人靜趣加。忽訝  
輕雷歇。還起童奴和睡。碾新茶。

對碁

幽竹擁窓清夏宜。與君對局競勲時。輕風  
乍動青鸞帚。掃落輸贏未了碁。

八月九日夜湖亭小集席上率賦

灑灑湖亭好。會朋同此筵。燈痕秋映水。笛  
韻夜生煙。珍重詩邊景。留連畫裡天。更闌  
猶笑語。荷氣醉堪蠲。

十月十三日。層古重陽。隨鷗吟社。開  
大會于枕橋。鷗夢樓。令社中同人。次  
唐人黃滔重陽詩韻。賦絕句。迺書此  
塞責。

砌植黃花秋未殘。詩盟休謂此時寒。翻符  
爛熟登高案。江閣設筵同接歡。

又席上用三宅真軒韻書此

詩壇才儁自彬彬。載酒重尋墨水濱。好在  
風流竟無改。題襟不減舊時人。

秋夜雜吟

山庭如畫月光明。廢寢微吟移夜行。何處  
異芬來撲鼻。林隈蕉樹有花生。

掃葉

一番掃去一番翻。擁帚徘徊不耐煩。又是  
晚風偏作惡。半庭亂點墜黃繁。

種齒

健強何必愧庸材。補齒今朝一笑催。貧苦  
全生得長壽。老饞飽咬菜根來。

初雪

不着階前積素堆。忽晴又好夕陽開。迺知  
自重天公意。玉戲試奇唯一回。

并出雲大社祭賦

遊清水寺

過正平塚

錦浦夜遊歲賦似諸子

安養寺并瓊子并親王之墳塋有作

船上山懷古

馬山懷古

登大神山

楞谿書感

詣宇倍神社感武內宿禰之事賦

過荒木又右衛門之墓

院莊短歌

後樂園偶書

虞、舜、秦、虞、職、質、靈、眉、陌、養、紙、遇、

拜出雲大社恭賦

吁。噫。大國主。神德洵難名。躬出草昧世。銳  
意膺經營。戈矛先除害。醫藥從濟生。仁慈  
兼威武。統理功邇成。豐葦原肇域。懷柔有  
羣氓。迺舉致宗室。自退明素情。勅特築宮  
殿。北濱面滄瀛。寧謐外寇絕。居然鎮鯢鯨。  
大社厥遺跡。連雲縟飛甍。表敬來稽顙。默  
禱披至誠。依願降福祉。雍睦資清平。邦基  
賴益固。萬代昌運亨。



遊清水寺

寺在雲州能義郡宇賀莊村。推古  
帝御宇，尊隆上人創立之，稱教異  
寺。後大同年間，盛緣上人改曰瑞  
光山清水寺。蓋雲州第一古伽藍  
也。

鐘磬上方，傳響長。春山尋勝，抵靈場。一千  
三百年前寺。花木自疑，舍異香。

過正平塚

清水寺之側，有五輪石塔一基。銘  
曰：正平十年二月八日，雖不審為  
何人之墳，俗呼正平塚。倣南朝忠  
臣埋骨之處。

正平遺跡，口碑存。來訪忠臣埋骨村，孤塚

春荒無客掃。風花幾片亂黃昏。

錦浦夜遊戲賦似諸子

藤杖蕉衫接步時。吾曹得意有誰知。此間  
水榭催涼酌。何處珠絃度艷詞。鄉本溫菜  
憐彼美。客皆磊落詫其奇。錦灣風月雙清  
夕。不害佳遊早趁期。

安養寺殊瓊子以親王之墳塋有作  
金閨玉房非宿因。艷粉秀黛徒前塵。堪痛  
征途忍艱苦。亭驛自做飄蕩人。當時醜賊  
滿諸道。漠漠妖氛不可掃。超海西幸萬乘  
尊。杏泐望迷隱岐島。客舍竒獨增感傷。音  
容豈是須臾忘。所恨一身缺六翮。離隔難  
到君王傍。紅顏憔悴日如湯。薄命偏歎遭  
亂世。骨肉情厚空輸誠。九五位崇未制勢。  
无完伏戮乾坤旋。車駕再指京洛天。發願  
翻求奉慈佛。留住剎寺期終焉。爾後星霜  
幾百載。變遷處處陵谷改。靈場儘任芻蕘  
窺墳塋。僅存舊規在。吁嗟婉淑受性生。深  
宮弱齡屏迹甘蒿蓬。浮生窮達縱無定。數  
奇如此誰復同。拜跪致敬方秋晚。蕭蕭木

葉散禪苑。欲去不去。久躊躇。殘陽已見下  
邊嶽。忽有拾粟雜僧回。紫實脫殼。籃底堆。  
問渠齒痕猶印否。追憶往事重興衰。

予孫瓊子內親王之墳塋。實係五十年  
前之事。當時有七古一篇。後屢加改竄。  
漸成此篇。雖拙惡不足見。比舊作稍覺  
異面目。迺錄以資保存云。

船上山懷古

至尊脫島驅漁舫。辛苦北海超洪濤。追跡  
賊將何桀驁。率兵急迫不少撓。伯耆僅有  
臣長高。赴難身命比鴻毛。船上山頂艾草  
蒿。築壘構柵工天勞。賊兵太驕希逸救。我  
卒皆奮慙遁逃。適來雨黑雷鼓擊。一夜掩  
擊軍聲慶勤王。義舉心膽豪。賊兵大敗徒  
驚騷。長高武名歷時髦。遠近引領望旌旄。  
今日寧謐干戈韜。誰復攻伐披戎袍。船上  
山深着猿猴。朝昏清耳林籟號。不用懷古  
漫怵怵。堪撫景物抽吟毫。御來驛路連平  
皋。輪奐祠廟多榮褒。嗚呼歲月如水雖滔  
滔。功勳萬世銘佩牢。賦詩聊爲勗汝曹。莫  
謂訓誨迂儒叨。

種○石○城○高○百○尺○峙○敵○兵○四○百○奪○據○此○堂○  
 威○風○壓○傍○鄰○無○草○木○不○披○靡○馬○山○背○川○  
 仍○面○湖○援○路○斷○絕○軍○營○孤○一○朝○忽○任○敵○下○  
 瞰○士○卒○氣○挫○顏○色○無○主○將○驍○勇○膽○如○斗○  
 用○兵○何○會○落○人○後○先○斷○橋○梁○防○走○逃○更○毀○  
 舟○楫○誓○死○守○死○地○求○生○淮○陰○侯○神○算○鬼○籌○  
 無○匹○儔○胸○藏○成○竹○談○自○若○士○卒○不○知○往○抱○  
 憂○維○時○嚴○冬○釀○急○雪○北○風○劈○肌○寒○冽○多○智○  
 夜○帳○呼○酒○催○酣○醺○熟○睡○達○曉○鼙○鼓○聲○徹○  
 敵○帥○察○其○情○未○敢○輕○舉○決○輸○贏○鼓○聲○無○聲○  
 戰○機○去○敵○軍○相○率○先○棄○城○馬○山○對○陣○有○陳○  
 躅○我○來○懷○古○感○慨○足○千○載○兩○雄○逝○不○回○  
 雲○物○依○稀○山○川○綠○

袖海曰。當時情狀。爛熟胸中。故能盡  
 曲折。而頭緒不紊。可稱傑作。近時本  
 田種竹有懷古博士之稱。然其詩筆綺麗  
 而孱弱。無此豪健之氣象。

存

無

登大神山

挺立三萬丈。矗矗凌昊穹。登躋縱眺矚。眼  
界障礙空。羣巒阜垤似。衆流溝渠同。連亘  
幾州縣。總在呼應中。因憶草昧際。肇國神  
誥功。偉材臣津野。經紀能成終。維嶽擬巨  
柱。縛地縲天工。出雲廣疆域。四方齊欽崇。  
遺蹤傳今日。舊記非昏曹。指點悉形勝。感  
激殊無窮。廟社更宏敞。自仰堂堂風。致虔  
久伏拜。精禱陳寸衷。願長示靈驗。東海消  
氛孽。歷世施德化。皇道彌興隆。此時晚照  
斂。暝色生林叢。促步向遙麓。磴路紆曲通。  
仁科白谷詠大仙詩曰。大嶽削成三萬  
丈。首句用之。大神山一稱大仙。  
臣津野命之事。載在出雲風土記。

樗谿書感

士良民順古名藩。三百年來記主恩。時祭  
修儀尚仍舊。樗谿祠廟儼長存。

樗谿神社祀東照權現。配以舊鳥取藩  
主池田忠繼、同忠雄、同光仲、同慶德四  
公。結構壯麗。有本殿、拜殿、舞樂殿、寶庫、  
隨神門、神饌所等。



詣字倍神社感武內宿禰之事賦

宇倍神社在鳥取市外宇倍山之麓，  
相傳宿禰歷仕景行成務仲哀神后，  
應神仁德六朝，齒以三百六十餘歲，  
入此山，不知所終。後大化初年，依朝  
命設祠祭靈焉。今列國幣中社，鳥取  
縣下古靈祠之隨一也。

昔有武內公，忠誠六朝仕，奇壽已絕儔。偉  
勲更無比，斂跡忽入山。獨追赤松子，歷代  
思慕深。縹緲情不已，遂迨大化初。恩綸特  
旨，迺就逃遁地，築祠以修祀。爾後幾變遷，  
歲月逝如水。維神益尊嚴，華表依舊峙。此  
日尋靈區，趁程遠坊市。林木老翠圍，風過  
清籟起。誓願先致虔，禱祈自久跪。所願長

降祥能助皇化美。

過荒木又右衛門之墓

墓在鳥取市

柳生門下第一人。劍技靈妙如鬼神。見義  
敢爲慙回避。平生面目純以真。伴賀城頭  
曉鼓擊。激勵婚弟殪仇敵。長劍短劍信手  
揮。伏屍累累碧血滴。意氣能使薄夫敦。姓  
名不朽傳後昆。宜哉蕭寺護墓碣。于今掃  
祭陳蘋蘩。我來致虔先稽顙。前事無端重  
追想。勿言劍一人敵不足學。如此義勇雖  
千萬人亦可往。嗚呼士道逐日逾陵夷。寬  
永之俗難再期。爲裁詩篇寓深意。慨時隱  
憂知者誰。

院莊短歌

龍駕難奪機已逸。三郎討賊更何日。夜變  
戎裝達行宮。庭燎漸微警柝空。慨然白樹  
書十字。救越范蠡猶私企。五百年後我來  
過。苦尋遺蹤所思多。桑麻壠連村莊改。無  
復櫻花半株在。

語巧、實過、福、藥、早、後、暗、藏、養、質、一

後樂園偶書

故侯此營墅。拓地為邱園。泉石排置巧。花木移植繁。故侯涖領土。勞苦治四民。邱園漸添趣。撫景足慰煩。故侯乘公暇。軍騎時叩門。迺名以後樂。寓託深意存。故侯已捐館。無由返英魂。邱園緬遺愛。衆庶齊敬尊。非詫泉石好。非銜花木珍。一思故侯德。追慕終難諉。我今來停杖。感舊情彌敦。題詩聊援筆。休漫嘲蕪言。

落花  
感舊

二首

新年

春初出郭散策

春晚聞鶯

江戸川春興

春晚書懷

花後遊墨堤

欠題

九月六日紀事

秋夕湖亭小集席上索賦

遊瀧之川

小春出遊介韻得肴

玉窟怨  
課題

寄友  
次韻

穆如清風閣用箋

冬日雜詠

歲晚偶書

穆如清風閣用箋

新年

一身當日出茅廬。漁社樵盟消息疎。舊誼  
溫存猶未絕。新年忽得賀正書。

春初出郭散策

霽色今朝殊適情。欣然一笑拖筇行。村渠  
水滿鴨爭浴。野圃土融翁試耕。吹雪殘梅  
風裡落。和煙芳草雨餘生。須臾時節清明  
好。小隊踏青重出城。

春曉聞鶯

東風微峭霽光勻。乍近蟲櫺喚夢頻。好調  
慣催幽谷曉。喬遷慵趁上林春。鴉鷺何必  
多新識。梅竹由來足宿因。早起山人每添  
興。被渠鼓吹旺詩神。



江戶川春興

佳麗風光爛熳晴。放舟好是翹流行。欲翻  
太白當年句。岸夾櫻花銀浪生。

春晚書懷

一年又聽杜鵑聲。無奈遊蹤尚帝城。潦倒  
風塵新感慨。留連花月舊題評。春催速去  
應天意。老漸相催非我情。自愧半生長旅  
食。家山未得趁歸程。

花後遊隄

儔侶相携步屨移。昨遊回首一追思。重來  
載酒題襟處。剛及綠陰幽草時。如此人閒  
尋勝事。未繇花盡負佳期。隄傍小榭茶煙  
暈。氣味春餘澹最宜。

落花二首

新樹重陰午不暎。離愁正掩碧窓紗。雨僝  
風僝春將去。酌酒吾庭餞落花。  
嬉春狂態夢茫然。豈復簪花伴少年。却笑  
東風掠芳樹。飄紅吹上鬢絲邊。

感舊

花天月地好留連。歡樂青春過幾年。此事  
如今真一夢。不堪說話但堪憐。

小貓

小貓便捷又嬌柔。遊戲下庭春晝幽。爲是  
風花似胡蝶。幾回追影不能休。

欠題

怯懦因循誤廟謀。書生慷慨制無由。徒稱  
定霸保天祐。終見抗衡輸國讎。新戰場存  
冤骨積。舊功臣老壯心休。且繙青史費思  
念。如此耻羞何代求。

九月六日紀事

妖氛黯澹漲城闌。誰使良民作暴民。須把  
仁慈臨赤子。忍將殘害訴蒼旻。名都乍閱  
刀兵劫。大道俄收車馬塵。恟恟物情難鎮  
得。風聲鶴唳送昏晨。

秋夕湖亭小集席上率賦

市塵飛不到。水榭絕鷺紛。暗渚魚時躍。幽  
塘雁未群。窓燈秋閃澹。樽酒夜氤氳。雅會

同耽興。可無詩策勳。

遊瀧支川

闔境囂紛絕。幽尋興可憐。白雲紅樹底。流水斷橋邊。茅店誰沽醉。苔龕客問禪。浮生閒半日。最好謝塵緣。

小春出遊分韻得者

牢晴誰復護書策。衣帽尋詩且出郊。殘錦無多林脫葉。狂葩幾點上危梢。

土窟怨 雜類

土窟晝暗冤血流。可堪揮刃屠孤囚。皇家宗子空隕命。維城崩壞風雲愁。當其蹶起赴國難。凜然義氣撐斗牛。群雄感激委驅使。殺適相應通籌謀。元凶伏誅霸府休。回天志望茲始酬。底事中心興業未就。前狼後

○ 敬、翰、綫、過、脊、昌、質、故、藥、霹、震、省、點、

公辱伸

無由。自昔名重動。遭嫉于今位貴多。離憂。  
二階堂谷悲。颺起。身死一朝英圖休。但見  
大姦館第據京洛。擁主挾令臨神州。星移  
物換六百歲。草沒斷碣蹤。僅留遺憾豎儒  
較正閤。嗷嗷論議并效尤。吁嗟世道陵替  
憑誰救。滔滔汙俗忘耻羞。土窟怨憤難得  
刷。如聞鬼哭長啾啾。

寄友 次韻

急景催人未得閒。衣衾食走髮毛斑。欽君  
清福耽高臥。梅鶴相携不出山。

冬日雜詠

同雲黯澹壓檐楹。凍合流泉寂絕聲。應是  
山中雪全滿。窺簷饑鳥不知名。

穆如清風閣用箋

虎重爲仇。載書奏闕書不達。枉蒙屈辱伸  
無由。自昔名重動遭嫉。于今位貴多離憂。  
二階堂谷悲鷗起。身死一朝英國休。但見  
大姦館第據京洛。擁主挾令臨神州。星移  
物換六百歲。草沒斷碣蹤僅留。遺憾豎儒  
較正閤。嗷嗷論議并效尤。吁嗟世道陵替  
憑誰救。滔滔汙俗忘耻羞。土窟怨憤難得  
刷。如聞鬼哭長啾啾。

寄友次韻

急景催人未得閒。衣衾食走鬢毛斑。欽君  
清福耽高臥。梅鶴相携不出山。

冬日雜詠

同雲黯澹壓檐楹。凍合流泉寂絕聲。應是  
山中雪全滿。窺簾饑鳥不知名。

歲晚偶書

杳渺家山遠。孤身滯帝城。鶴猿猶引夢。桂  
玉亦關情。潦倒青衫在。衰殘白髮生。功名  
無可策。歲盡恨縱橫。

海樓觀日出  
深題

春初即興

櫻花

柳

春夜

花下夜飲

春晝

曉起

移竹

湖亭即事  
分韻得寒

夏夜偶拈

信齋尼子翁壽詞  
仙坡囑

穆如清風閣用箋



秋日山行

讀平家物語二首

十一月十四日恭賦

海樓觀日出

課題

百尺高樓大海頭。歲朝攀檻豁雙眸。紅輪  
輾上金鰲背。先照扶桑第一州。

春初即興

嫩日微霜風意輕。東軒坐愛此新晴。鶯兒  
真個堪憐物。飛到梅花乍一聲。

櫻花

凡桃李未堪嘉。看盡梅花睡在家。却使  
詩人閒不得。東方別是有名葩。

柳

短緒長條總繫春。西湖煙景抵今新。憐渠  
一樣蘇成姓。半屬詩人半美人。

春夜

月前且弄一聲笙。奈此春宵無限情。花影亦如鄰女艷。登牆依例抵深更。

花下夜飲

芳園良夜宴。歡譁徹三更。綺席花相映。銀燈月與明。佳人扶舞態。騷客倚吟聲。高會知難復。深杯不厭傾。

春晝

永晝幽慵甚。詩人不出家。爐煙輕裊裊。簾雨細斜斜。夢裡憐芳草。愁邊怕落花。流鶯何所管。數轉隔窓紗。

曉起

夜來風力緊。曉起獨開門。墜地酴醿白。恍疑殘月痕。

移竹

塵居未有數弓園。移竹且欣空砌存。便使  
清陰敷几席。寧容塵穢迫櫺軒。金篩夜月  
擦吟思。玉戛曉風蘊醉魂。不害明春煙雨  
候。破苔箇箇長兒孫。

夏夜偶拈

好移矮榻傍疎桐。氣味冷然庭砌風。便識  
近郊膏雨足。直分餘濕入城中。

湖亭即事分韻得寒

水榭涼生酒興寬。與君半日此留歡。細聽  
遙自湖心到。柳影荷香共一欄。

信齋尼子翁壽詞

仁祖贊

將門遺裔即斯人。局改刀兵跡已陳。省識  
持家富仍壽。優游樂作太平民。

秋日山行

秋山探勝處。一路寂無喧。出岫孤雲度。赴  
谿諸水奔。楓人皆詫醉。石丈獨忘言。我亦  
遊情適。暫拋塵累煩。

讀平家物語二首

禁垣獨去路如何。竹屋蓬門跨馬過。一曲  
琴音不知處。曉風殘月滿嵯峨。  
舊草枯時新草滋。又看新草帶霜衰。可憐  
臨別傷心句。慘過班姬秋扇詞。

穆如清風閣用箋

十一月十四日恭賦

驚輦百里出東京。道是神宮誥捷行。果爾  
大勲承祖德。盛哉丕業慰民情。日宜重耀  
皇州麗。雲散宿陰遼海晴。澤化從今應益  
洽。中朝聖主仰威名。

早春郊行

贈罷官者二首

哭詠社三家

冷灰博士寄江木俊敬奉公事蹟一

冊添以詩兩首乃次韻書此乞政

春日喜友人到

開居。

梅雨排悶

初夏詠興

插秧行

題倪文正公山水圖

新涼

秋鷹

餞秋

穆如清風閣用篆

拾栗

小春

穆如清風閣



早春郊行

二月東郊雨始晴。吟藜何處縱幽情。遙坡  
一簇糝糊白。不是殘梅即早櫻。

贈罷宦者二首

名場宦海竟何如。白髮生時悔有餘。告老  
欽君早成計。優遊林下伴琴書。

致仕歸休卧草廬。不嫌蹤跡混耕漁。幽憂  
一片猶難擲。援筆私裁上闕書。

哭詠社三家

三家謂大澤鐵石土屋  
琴坡菽野和菴

鐵君矯如脫羈駒。尋常利祿難牽拘。司直  
列班唯須臾。一朝退隱賦遂初。及其閒處  
閱居諸。文雅縱情終不渝。琴雙嗜吟儔匹  
無。自言違俗古之愚。白首辛勤從操觚。擬  
爲藝苑開榛蕪。宣求身外浮雲壘。和菴博

士遷固徒。讀破千卷萬卷書。却於韻語心  
力輸。長短篇成皆璣珠。乃知騷客本通儒。  
三人經歷雖各殊。抱負略如合剖符。言永  
吟社無親疎。提携坵壇互馳驅。坵瑤子亦  
喜相俱。奮勵誓將鞭下駑。何事願望易齟  
齬。三人先後遽棄吾。英靈駕龍還太虛。仰  
望彼蒼空。嘆吁。北邙草荒路縈紆。含痛難

去幾躊躇。雙淚頻送。衣袂濡。與誰此後同。  
清娛。幽冥境隔茫茫乎。

冷仄博士寄江木俊敬奉公事蹟一  
冊。添以詩兩首。乃次韻書此。乞改。

豈無功績。後昆垂照耀。聲名筆一枝。憶得  
單身排衆議。挺然邁往殉公時。

恩綸下自紫雲間。此日九泉應解顏。靖國  
祠中長合祀。奉公一死重於山。

春日喜友人到

開啓

樓邊卜幽區。門巷遠。蠶箔上。牀苔似氈。當  
砌樹疑帷。此日春霖收。陰雲自解。駁一  
笑。來者誰。衣巾素以樸。延坐禮數寬。心襟不  
齷齪。迺傾瓦甌醪。賓主各酬酢。山妻調新  
穀。後園林筍斲。供給雖輕微。情聊表懇慤。  
此時機已忘。繫累總拋卻。醉裏俱論文。今  
古互商榷。妙篇賦閒居。才藻憶潘岳。

梅雨排悶

雨氣濛濛濕透氈。一年時節又梅天。薜紋  
鋪砌翠如染。榴火映簾紅欲然。與客閒爭  
走敗局。爲兒小課授陳編。幽居依例自添  
興。未肯黑甜稱懶仙。

初夏詠興

清和四月雨初乾。冲澹風光興自寬。花駐  
晚紅裝院落。樹交嫩綠蔭欄干。涼紋如水  
簟方展。幽韻響雲琴。偶彈。爲是城居適吾  
意。未須屏迹向巖巒。

插秧行

新聞紙近日載孝行兵士之事頗

傳坊間因詩之。名曰插秧行。

村南村北連日雨。平田水漲聒蛙鼓。比鄰  
相促辦笠屨。插秧農人各爲伍。中有一家  
事可傷。翁媪卧病俱在牀。獨留少婦守舊  
業。湯藥食餌他不遑。此時壯夫服兵役。純

忠許國滿腔赤。身在營舍思田園。憂心忡  
忡度晨夕。鄉人具狀陳軍司。特旨恩命幸  
及時。遽歸草屋省雙親。枕頭相對淚淋漓。  
門外時聞鵲。緜至。上官傳命助農事。倏忽  
插了五六頃。水田茫茫秧鉞翠。羽州長瀨  
一寒村。孝行兵士美譽喧。爲賦此詩充寔  
錄。庶裨清世風教敦。

題倪文正公山水圖

圖係田邊碧堂所藏大正甲子十  
月清溪皆香園雅集碧堂特携至  
席上展覽。嚙諸同人各賦詩。

倪公元璐忠烈士。一世勲業炳青史。緒餘  
畫筆亦超凡。高古淡遠推絕技。此圖揮灑  
何時成。秋老山水幽更清。偶然落在故人

穆如清風閣用箋

手。十襲珍重比瑤瓊。憶公崇禎秉鈞日。國  
運已去挽無術。閣豎奸兇弄朝權。能排善  
類。逞狡獪。公也慷慨致匪躬。廓清誓欲安  
宸衷。厦傾瀾頽難奈何。悵焉歸卧舊廬中。  
舊靜寂無客到。屏跡煙霞且寄傲。此時憂  
心藉何消。墨戲從來公所好。北來戰塵逼  
京畿。鼙鼓動地羽書飛。公冒鋒鏑北指闕。  
獻策制敵勞心機。城闈受圍事太急。血詔  
酸痛足慟泣。起整衣冠殉社稷。絕命裁詞  
淚墨濕。姓名赫赫今猶新。遺墨傳世人爭  
珍。精忠大節感神鬼。尋常畫史焉能倫。此  
日溪堂挂牙軸。正襟相對神為肅。畫中如  
見公精靈。光彩奕奕射人目。

倪元璐(明)字玉汝號鴻寶上虞之人天

啓壬戌進士授編修崇禎初魏忠賢遺黨

楊維垣輩護持舊局力扼東林元璐抗疏

擊之又請燬三朝要典上制實八策及制

虛八策累遷國子祭酒時元璐雅負人望

位漸顯通帝意嚮之爲溫體仁所忌落職

起爲兵部侍郎以母老固辭俄聞畿輔被

兵遂冒鋒鏑北上陳制敵機宜超拜戶部

尚書李自成陷京師自縊死謚文正清謚

文貞元璐善草行工畫山水竹石云(中

國人名大辭典)

溫體仁烏程人字長卿萬曆進士授

編修崇禎初累官禮部尚書爲人外曲



謹而內猛鷲機深刺骨值會推閣臣體  
仁望輕弗與遂疏訐錢謙吉結黨受賄  
謙益坐罷官諸臣先後劾之帝益疑廷  
臣植黨謂體仁孤立漸嚮用尋詔兼東  
閣大學士既輔政勢益張傾去周延儒  
代爲首輔居位八年專務刻核迎合帝  
意卒以張漢儒訐錢謙益瞿式耜一獄

帝始悟體仁有黨體仁懼佯引疾竟放  
歸卒贈太傅謚文忠福王立削贈謚天  
下快之(全上)

張瑞圖 晉江人字長公號二水萬曆  
進士以附魏忠賢仕至建極殿大學士  
善畫山水尤工書與邢侗米萬鍾董其  
昌齊名時稱邢張米董後入逆案坐徒

贖為民

穆如清風閣用箋

新涼

西風瑟瑟入虛堂。此夕邀朋共對觴。廿載  
交情諳舊雨。一時快意屬新涼。琴聲乍動  
秋生座。簾影將斜月轉廊。吟到更闌興猶  
王。偏欣仙醪洗塵腸。

秋鷹

蒼鷹帶逸氣。風骨殊宜秋。得霜加俊捷。九  
月方脫鞵。好敵何處在。挺身衝林邱。驚聽  
疾勁翮。閃電明巨眸。骨狐忽摧膽。屠兔直  
抉喉。搏擊用全力。毛血紛不收。功成邀褒  
賞。雄志斯時酬。雖非瑞鳥選。固絕凡羽儔。

餞秋

寂寞江亭酒一危。傷心不減餞春時。津頭  
殘柳如人瘦。同向西風恨別離。

拾栗

曉聽振園林。墜地有罅栗。策策頻聞聲。驚  
喜啓戶出。移步幽徑中。果然拾尤物。獨顆  
最足誇。孿生亦難黜。頃刻盈小籃。似受天

厚卹。輸厨煨且蒸。調理自有術。黃玉色更  
佳。肥脆香欲咽。盛器充珍羞。魚魚非其匹。  
城裏肉食徒。窮奢送日日。淡泊能貴真。此  
物居第一。

小春

十月小春風不寒。楓林石徑夕陽殘。可憐  
澗碧山紅景。猶作桃花流水看。

春雪分韻得麻

槐南禾原西詩家追悼會賦此道

情四首

上分韻得麻

席上分韻得麻

牛

仙坡博士在職二十五年祝賀會  
賦長句四韻博一粲

靜園雅集次仙坡主人原韻

三月念四日遷上八百樓故槐南詞宗追悼會席上率賦二首

香國翁見惠新著仙壽山房詩文

鈔賦此表謝

寒翠莊雅集次夢舟主人原韻

席上分韻得支

又分韻得刪

秋晚出遊

月念四日  
上八百樓  
槐南詞  
追悼會  
上率賦

穆如清風閣用箋

急景

總如晴風閣用箋

春雪分韻得麻

天公春釀雪。巧思又何加。人衣者點白。繡  
出幾梅花。

槐南禾原西詩家追悼會賦此道

情

風流事業共蹉跎。鷗社鶯亭今若何。休向  
愁邊問消息。英賢凋落已無多。

故居寂寞欲黃昏。誰對東風獨斷魂。霞舉  
說詩人。不見落梅翻雪撲虛軒。

遊仙去向白雲鄉。抽筆知君侍玉皇。却恨  
來青詩閣閉。遠山如夢黛微茫。

坵壇卅載盛名馳。酬麗唱妍真有之。惆悵  
而今各捐館。人間寂寞尾州詩。

席上分韻得森

忍將慧業付咨嗟。枉道斯生竟有涯。今日  
星陵奠芳醕。待魂來遠玉梅花。



牛

不做桃林放牧者。年年相喚恰離欄。諒陰  
天地風光寂。幻出春郊黑牡丹。

仙坡博士在職二十五年祝賀會

賦長句四韻博一榮

儒流未必戀官場。耽學從容意自長。經濟  
諄諄講耕畜。風騷得得屬辭章。靜吟乘夜

月臨幌。慶會卜春花映觴。最好雍熙右文  
日。頌君盛譽久逾彰。

靜園雅集次仙坡主人原韻

美酒精散此日筵。邀吾矧復惠瑤編。須矜  
吟詠同為命。果見交遊共忘年。庭斂紛霏  
新樹翠。砌翻殘照晚花妍。莫辭濡翰叙懽  
趣。勝事豔稱遊適傳。

此日主人願客以新  
故云 穆如清風閣用箋

八百松

上序

高叙軒

序子

三月念四日澤上八百松樓故槐南

詞宗追悼會席上率賦二首

題襟誰與續前塵。江上鶯花又屆辰。惆悵

才人今已逝。招魂空酹一壺春。

誰將身世感浮漚。追吊奠詩來倚樓。鷗鳥

不知存沒事。依然呼侶在沙洲。

穆如清風閣用箋

穆如清風閣用箋

香國翁見惠新著仙壽山房詩文鈔  
賦此表謝

無端縹帙到吟儔。深感詞宗恩寵優。久矣  
騷壇推獨步。幸然藝苑得同遊。琴鐺追逐  
多青眼。風月平章儘白頭。倘算集中金玉  
富。世間誰復羨王侯。

寒翠莊雅集次夢舟主人原韻

楓葉爛斑霜隕初。幽莊趁約各驅車。主人  
風趣君知否。林下開畦別種蔬。

席上分韻得支

幽莊景物與秋宜。步履涉園探勝時。着意  
斜陽散霞綺。楓林幻出晚晴奇。

又分韻得刪

塵區全隔絕。托迹似棲山。密篠儘妨步。殘  
楓猶映顏。秋光歸冷淡。晚節在清閒。省識  
主人興。未曾思放鵬。

秋晚出遊

意行秋晚際。依例短筇扶。野菊猶抽紫。林  
楓未卸朱。後先飛鳥迴。來去斷雲孤。不害  
離城市。尋詩抵日晡。

急景

急景催人又夕暉。何時避俗擲塵鞿。入山  
倘遂平生願。飢齧梅花未必非。

虎

雪中閑鷺

丙寅紀元節作

風箏

春晴出遊

望嶽臺觀花分韻得侵

盤谷追薦會席上分韻得支

日章旗歌

青崖翁七十壽言二首

次蕨菴總督原韻送其赴任臺灣二

首

夏夜榻賦

秋園雜詠二首

山寺晨起

冬獵

穆如清風閣用

虎

唐代豪雄裴將軍。善射妙技稱絕羣。一日  
親殪虎卅一。向人得得誇殊勳。豈圖別有  
真虎在。以彪爲虎誤文來。將軍閃語怒疾  
驅。飽求真虎無所悔。真虎據地咆哮長。弓  
矢皆墜馬亦僵。將軍意氣頓沮喪。射術不  
復爭擅場。此事載在唐國史。事雖奇異非  
無理。虎也元是山之君。其威其靈不可揣。  
黃斑白額儼乎尊。負隅氣勢無儔倫。我願  
愛護休加暴。教渠能感王者仁。

唐國史補裴旻爲龍華軍使守北平北  
平多虎旻善射一日斃虎三十一有老  
父曰此彪也稍北有真虎必敗旻怒趨  
之有虎小而猛據地大吼旻馬辟易弓  
矢皆墜自是不敢射  
宋書符瑞志曰王者不暴虐則白虎仁  
不害物



聖中閑鶯

山城雪新霽。動彩麗朝曦。出谷豈為早。遷

喬殊所宜。金衣先衆鳥。玉屑綴繁枝。飛到

上林日。應知春色滋。

丙寅紀元節作

紀元佳節是今日。建國修業卜此吉。健兒

成隊拜鳳城。嵩呼萬歲溢歡聲。神祖定基

年悠久。大八洲土儼保有。凡則撫民仁德

昌。外則懲敵武威揚。二千五百八十載。金

甌無缺天救在。青年奉公誓酬恩。造次未

曾忘天闡。建國之祭是新祭。雲氣呈瑞霽

光麗。咸祝寶祚長無窮。皇威赫赫鎮海東。

丙寅  
昭紀元  
年(正  
十五年)

風箏

嬉遊三月屬風箏。好事碁陽風播石。七十  
七街花。罨映晴空無處不春聲。

春晴出遊

衆晴行樂好。野外草茸茸。日透吳綿煖。花  
薰楚酒濃。三春多麗景。羣物足怡容。蜂蝶  
相追逐。徜徉拖短筇。

望嶽臺觀花分韻得侵

瓊樓置酒好同斟。詞客賞春無限心。萬朶  
櫻花紅欲滴。惱人艷色雨中深。

磐谷追薦會席上分韻得支

玷壇未屑競奇勳。一去道山遊白雲。却惜  
珠璣委篋底。無人輯錄刻遺文。

日章旗歌

日章之旗誰不識。表彰東方日出國。白布  
中畫紅一輪。神光爛爛有瑞色。佳辰令節  
常修儀。千戶萬戶齊揭之。浮祿橫氛銷絕  
迹。朱鸞丹鳳翻弄姿。吁嗟乎大陸一朝禍  
亂發。黑鸞黃龍忽喪失。光輝不改神州旗。  
終古獨仰竿頭日。外客隨處爭傾心。欽慕  
羨望稱嘆深。日章之旗真我寶。難換五百  
萬元金。曾有英人某。激賞本邦旗章。謹曰。以黃金五百萬元換之。

青厓翁七十壽言二首

先生稱壽古稀年。弟子相謀開慶筵。雪鬢  
霜髯堪畫處。高標宛似拜神仙。  
朝吟暮詠不言慵。筆底奇葩興會濃。所願  
加餐長健在。藝林益仰老詞宗。

次蕙菴總督原韻送其赴任臺灣二首

美麗山川方物堆。仙區豈用說蓬萊。賴君  
一意從良政。無盡富源開拓來。  
中部連山雲影堆。多君敷化剪荆萊。恩威  
兼著名聲重。生熟蕃人心折來。

夏夜偶賦

境清不復苦炎蒸。浴後欄干曲處憑。砌有  
脩梧與疎竹。池生白藕又紅菱。微風鄰院  
衣傳笛。明月此樓方木燈。吟到更闌人未

寢紛紛涼露濕衣襟。

秋園雜詠二首

桂樹方著萼。芳馥飄素秋。小園古意足。興  
會無人俾。靜坐誦招隱。神騁山之幽。  
方莖而繁葉。異竹不詳名。移植傍幽石。數  
竿陰將成。秋來多佳氣。稚筍穿蘚生。

山寺晨起

墜楓滿砌夜來風。狼藉秋光古寺中。報罷  
晨鐘無一事。山僧縛帚掃乾紅。

冬獵

風林落羣木。霜野凋亂蒿。冬日一悽慘。游  
獵聊足豪。此事非閒戲。亦頗學兵韜。火急  
徵壯士。各教携弓刀。點檢先作隊。部署從  
分曹。臂鷹牽犬者。隨伴同服勞。主將驅轡  
到。馬上披短袍。望之衆踴躍。無敢希怠教。  
暗塵頃刻合。馳逐頻叫號。禽已失棲出。獸  
豈求穴逃。處處多所獲。殊勲邀榮褒。迺傳  
休息令。犒衆頒醇醪。急景促薄暮。暝色生  
旌旄。雄談飲未罷。寥廓寒星高。

七福神駕寶船圖

新年作

新年對雪

梅溪春曉

春風

春霜

題畫四首

輓磐谷長田君

初夏雜詩三首

秋夜對月

買菊花

七福神駕寶船圖

手持寶槌不暫拋。大黑莞爾踞米苞。膨膨  
鉅囊何所蓄。布袋卸擔摩便腹。姪子一竿  
垂。織綸潑漉已獲三尺鱗。纏羅曳錦是天  
女。斜抱琵琶太媚嫵。東海日麗春浪穩。蓬  
島瀛洲路不遠。諸神相伴托綵航。容與任  
棹歡樂長。斯時倘微警衛者。或恐一船招  
災禍。乃得驍勇毘沙門。被甲執矛殊儼存。  
嗚呼武力有用神不廢。人間熟慮莫貽悔。

新年作

官報傳慶事。東宮淑氣溫。英資今攝政。好  
配正成婚。天統無窮極。帝朝長儼尊。野人  
何以祝。梅發映春緝。



新年對雪

元日至人日。未有不陰時。杜陵留此句。憂  
悶情見詞。今年頻逢雪。不比降雨滋。遺蝗  
入地底。豐稔堪豫期。羣氓喜天眷。老少齊  
開眉。所希蒼靈力。除胥而降禧。念之催佳  
興。對雪銜酒卮。快適吾輩意。杜陵終不知。  
此時雲解駁。弄霽妍晨曦。積素雖滿砌。陽  
氣未爲遲。節候呈瑞色。物態從是宜。秘符  
乍傳坐。春信通南枝。

梅溪春晚

花霧籠前溪。殘蟾依稀白。老叟起啓扉。催  
童掃藁席。剪剪曉吹輕。香雪點淨碧。汲之  
供饗炊。新飢自薦客。少焉旭日升。明麗畫  
境闢。奇禽不猜人。近軒鳴磔磔。

春風

不問林隈與水涯。吹噓隨處弄韶華。春風  
意態濃于畫。綠了垂楊紅了花。

春霜

綺羅結隊競繁華。春麗長安城裏花。那識  
山村寒尚緊。嚴霜一夜害桑芽。

題畫四首

山中少朋儔。芳景易孤負。抱琴誰能來。空  
餘半甌酒。落花雪滿蹊。家僮且勿帚。  
欄前蔭楊柳。砌下抽芙蓉。小榭水之齋。暑  
月清有餘。曲肱試午寢。涼夢時化魚。  
俗客不駐車。閒侶偶移履。非競羸與輸。手  
談聊消暑。庭竹秋影生。斜陽逗窓紙。

湖山營幽墅。隙地多植梅。高隱林處士。自  
謂堪追陪。倚軒延佇久。鶴從天際回。

輓磐谷長田君

吾友磐谷子。篤學殊絕人。都門客居寂。常  
與書冊親。曾從操觚業。文章聲價新。爾時  
辱知遇。追逐廿後塵。日清會開學。羽書傳

警類。敵懷獎忠節。下筆如有神。提携日不  
久。忽作離索身。參商二十歲。夢寐情難伸。  
青翁任斯文。君作吟社賓。予亦參席末。重  
契文字因。感激忘驚駭。功瑳事苦辛。所期  
起正聲。海內詩風醇。一朝溘焉逝。接訃疑  
其真。天道是耶非。仰欲問穹昊。營葬古梵  
刹。暗綠蓋四鄰。蜀魂聲聲哭。痛極淚滿巾。

初夏雜詩三首

聖人今不在。道廢幾千年。民愠憑誰解。薰風拂夏絃。

爭攻蟹行字。新學競奇勳。科斗徒生水。無人問古文。

餓死首陽下。夷齊心可悲。山翁贈薇蕨。此事不曾知。

秋夜對月

中秋團圓月。吾生幾度看。雲雨動作危。良宵際會難。今夜天宇淨。皎皎懸玉盤。便攀危樓望。身在碧雲端。光輝明似雪。照徹千里寬。林野澹無影。河漢微收瀾。清景幸堪玩。逸興殊未闌。不辭廢卧寢。直抵更漏殘。

少焉現仙府。恍惚遊廣寒。結伴者誰子。翩  
躑乘白鸞。

買菊花

街頭昨夜買秋芳。冷艷幽妍白似霜。看抵  
天明更驚喜。妙葩一一是深黃。

新年第五日鷺亭雅集分韻得支三  
首

次石埭翁憶梅亭詩韻三首

送人遊西都二首

雨中海棠

柳絮詞二首

春盡

七月三十一日書事

江閣寒醒

初雪

新年第五日鶯亭雅集分韻得支

醉意偏兼春意宜。閑年珍重此佳期。詩人  
也有豪奢處。直役嬋娟傅酒卮。  
銅餅滿插玉梅枝。欲賦羅浮本事詩。乍有  
淡妝來佐酒。如看趙叟夢中姿。  
詩腸鼓吹是黃鸝。別有風情鬪雪兒。宛轉  
歌聲妙如此。當筵著意唱新詞。

次石塘翁憶梅亭詩韻三首

詩畫琴樽眼每青。優遊自適見儀型。今番  
又有風流舉。擬向梅溪構草亭。  
玉池吟館夜燈青。夢裡應參詩典型。新識  
梅花迥。邀興。巡檐索笑到溪亭。

溪流涵玉。淺深青。放鶴西湖。豈等閒。好事  
喧傳。期百代。愛梅別是。新幽亭。

送人遊西都二首

東山花木待詩賓。淹賞應誇揀勝身。卅六  
峯巒列圖障。偏將紅綠繪濃春。  
笛榭歌廊。鳧水澹。依依弱柳。媚芳春。又知  
情累難拋了。到此無端作恨人。

雨中海棠

雨絲無賴動輕寒。憐煞海棠芳事殘。爲是  
胭脂偏易滴。女兒也解帶愁看。

柳絮詞二首

縱慣顛狂尚解愁。臨風未害太輕柔。年時  
長憶江頭別。故故戀人隨去舟。



浪蘂浮花安在哉。飄零依例委塵埃。堪憐  
柳絮能知化。春杪成萍滿水隈。

春盡

帶將殘醉倚雕欄。九十韶光彈指中。落盡  
庭花飛盡蝶。夕陽獨曠半邊紅。

七月三十一日書事

短章傳大故。羣姓接哀聲。雲黯宸園鎖。露  
淒仙掌擎。難追龍遠去。詎聽鳳雙鳴。行殯  
簪儀典。執喪輸悃誠。普臨嘗濟化。奄逝此  
留名。闔國諳仁育。當時記義征。績應彰上  
祖。恩實撫邊氓。罔極酸傷意。逾增肅慕情。  
英靈知不泯。聖道料長亨。日嗣承天統。昌

輝重仰明。

江閣寒望

江閣對寒景。吟望斜照中。天遙鴻雁斷。水  
涸双鱗窮。洲荻點乾白。岸楓零敗紅。詩情  
一蕭索。喚酒與誰同。

初雪

林臯斜日淡。鴈外滯寒氣。寸白遙岑頂。分  
明不是雲。

獨坐

春陰

重三

春晚病中

春晚出遊

春晚雜詩二首

花後過澤隄三首

大久保觀躑躅花二首

牽牛花

袖浦觀月分韻得元

遊鎌倉

晚興

慈如清風閣用箋

獨坐

獨坐空齋夕。淒寒一味嚴。風痕時掠燭。雨  
氣忽侵簾。小悶醉餘在。閒愁吟裡添。江南  
明日路。應是落梅粘。

春陰

樓外春如夢。癡雲午未收。上階花影黯。隔  
砌鳥聲幽。困懶徒催睡。陰沈儘結愁。踏青  
雖有約。無意出郊遊。

重三

重三天氣新。羅綺水邊春。人面桃花麗。裙  
腰草色勻。流觴思勝迹。修禊度芳辰。笑語  
東風裡。相携趁軟塵。

春晚病中

麗景無多欲問誰。屏居養病閉門時。春催

幽寂履綦絕。午尚陰沈簾箔垂。怯雨愁邊  
難側聽。惜花夢裡自長思。寧堪韶節今如  
此。旬日俊遊渾失期。

春晚出遊

春晚多風雨。逢晴急曳藜。魚吹橋下水。燕  
掠路傍泥。飄瞥紅難覓。周遭綠欲迷。幽尋  
何處好。磬韻出禪栖。

春晚雜詩二首

月下樓臺花下亭。俊遊回首憶曾經。分明  
歡樂一場夢。此夢何方長不醒。  
落盡紅紅白白叢。華年逝水去匆匆。幽懷  
一掬無人省。付與酒悲詩瘦中。

花後過澤隄三首

重過何處補餘歡。堪恨繁華迹已殘。十里

長堤花落盡。濛濛新綠。午生寒。  
遊春醉客。此江頭。尚記爭先呼渡舟。今日  
長汀人。不見。渺茫煙水。沒孤鷗。  
樹上花殘。鳥語慵。長隄一路草茸茸。無人  
復訪王孫墓。落日東風。古寺鐘。

大久保觀躑躅花二首

小小柴門短短笆。城西一路棗駝家。都人  
裙屐爭來賞。四月薰風躑躅花。

園庭無處不紅葩。真個風光麗似霞。別有  
蔓藤邀鑒賞。紫雲懸架簇懸花。

牽牛花

清賞由來屬早晨。例移步屐繞籬籬。碧花  
自有盤銘意。日日能新又日新。

神浦觀月分韻得元

海樓堪避暑。日夕駐吟轅。飛雨驟飄砌。齊  
蟾剛掛軒。割鮮工可詫。喚酒價難論。會飲  
擬河朔。留連劉與袁。

遊鑊倉

鑊倉のこくら吊古且低徊。霸府遺蹤是此隈。地接

崔嵬三面擁。天連滹潏一方開。伽藍畫寂  
留僧護。華表秋高待鶴回。故業茫茫人不  
見。長風喬木帶悲哀。

晚興

斜陽下西澗。林屋動新寒。獨鳥寂無語。山  
茶花墜欄。

穆如清風閣用箋



歲朝偶述二首

口占

村夜聞蛙  
洪題

即事

春晚雜興  
分韻得東

梅雨新晴  
分韻得刪

夏夜池亭

夏夜湖亭雅集

秋晚出遊二首

白菊

冬日郊居  
課題

狂花

冬夜

夜坐

穆如清風閣用箋

歲朝偶述二首

不追鷓鴣向宸宮。獻歲緣何表寸衷。壁掛  
尊容舉家拜。瑞光頓動草堂中。

臨貯罇。今朝便是歲之元。冰簾  
毛。亦覺添歡笑語溫。

躑酒  
社句云鑄酒家  
貧只日醅

口占

江南江北暮迢迢。如水春寒酒易消。莫向  
風前弄長笛。梅花零落雨蕭蕭。

村夜閑  
課想

小雨欲晴猶未晴。菜花香裡月朧明。尋常  
絲竹難為聽。儘愛村頭蛙鼓聲。

穆如清風閣用箋

歲朝偶述二首

不追鷓鴣向宸宮。獻歲緣何表寸衷。壁掛  
尊容舉家拜。瑞光頓動草堂中。  
柿橘上盤醅貯罇。今朝便是歲之元。冰簾  
雪硯貧儒宅。亦覺添歡笑語溫。

口占

江南江北暮迢迢。如水春寒酒易消。莫向  
風前弄長笛。梅花零落雨蕭蕭。

村夜閑

坐

課想

小雨欲晴猶未晴。菜花香裡月朧明。尋常  
絲竹難爲聽。儘愛村頭蛙鼓聲。

即事

翩然一笑出幽局。乘暇尋春步不停。也好  
年芳無定準。桃花如醉李花醒。

春晚雜興 分韻得東

殘春能剩幾芳叢。吟到牡丹情不窮。無奈  
今朝風雨惡。蘆簾圍地護嬌紅。

梅雨新晴 分韻得刪

久雨新晴開我顏。思詩獨坐小窰閒。翳階  
涼葉芭蕉碧。裝砌綺葩安石殷。

夏夜池亭

汀渚微茫月未生。涼欄賞夜惱詩情。吟毫  
誤墜芙蓉水。一隊池魚躍有聲。

夏夜湖亭雅集

好趁湖亭約。涼宵酒可醺。白衫翻月色。碧  
簾疊波紋。煙柳高低暗。風荷遠近薰。憑欄  
人未散。唱和競詩勳。

秋晚出遊二首

綺羅妝出與春侔。笑語湖頭紛不收。若缺  
敗荷殘柳景。誰知天地正悲秋。  
停車誰是擅風流。一路東台晚景幽。霜葉  
爛斑紅太好。櫻邱亦耐喚楓邱。

白菊

猶是陶家物。栽來傍我堂。淨容消俗艷。皓  
質吐奇香。三徑應疑月。中庭每認霜。莫言  
秋冷淡。吟興不堪長。

冬日郊居

陳穀

幽棲不害野情加。且命小僮村酒賒。莫道  
霜畦插無物。藁冬撤土早抽花。

狂花

十月春稱小。一林花見狂。分明真宰戲。作  
意試奇方。

冬夜

驟寒眠不就。起坐撥爐灰。窓竹蕭蕭響。帶  
風初雪來。

夜坐

逼此殘臘天。夜坐自興歎。飛霰過小簷。衝  
颿入幽幔。歲月真崢嶸。吾志未成半。桂玉  
常釀憂。物累身久絆。依壁燈火微。暗壘滿  
几案。講學何所資。編冊恣耽玩。



憶舊游

江上看花

奉送坤宮西巡三首

惜春

僧園看牡丹

林塘幽趣

初夏谿村

夏曉

送人之北海道

小金華歌

秋來

秋晚野望

送勝島仙坡游長門峽二首

氣晚書懷 課題

穆如清風閣用箋

憶舊游

綺席芳筵幾唱酬。春風曾醉夢香洲。不堪  
存沒淒涼感。獨對櫻花憶舊游。

江上看花

漲渌看流春。媚景幾時閱。晚萼猶簇霞。早  
葩已落雪。感此傷中懷。良辰惜電瞥。不若

促履綦。行樂適及節。窈窕披畫圖。芳事幸  
未輟。士女從遨遊。脩堤互提挈。日暉動清  
瀆。好觀更超絕。華彩齊映江。波逝繡紋纈。

奉送坤宮西巡三首

坤宮懿旨與神期。輦轂春風發軔時。帝廢  
萬機經幾日。輸誠千里訪靈祠。

東風絳旆出皇京。絳旆送羣黎。何限情。隨處  
鶯花春色麗。願令鸞駕忘長程。  
海西祠廟儼乎崇。消蠱除殃。靈不空。應有  
神威安玉體。聖人寶算禱無窮。

惜春

芳事闌珊節序更。紅凋白謝。此時情。園林  
寂寂韶光盡。亭榭陰陰暮色生。蝶逐殘香  
隨昨夢。鶻餘古恨。作新聲。今宵且爲東君  
餞。無限春愁。醉不成。

僧園看牡丹

聞說名花培植工。探春來。步梵園中。老僧  
得意誇紅紫。未敢逢人道色空。

林塘幽趣

林塘幽以邃。塵外閑別鄉。煙樹含涼色。水  
葩散奇香。不藉人工補。天趣如許長。探討  
忽移晷。暮景將蒼茫。思詩時停步。一螢過  
石梁。

初夏谿村

水光樹色詭清奇。負郭谿村初夏宜。半尺  
香魚正堪釣。官家解禁入漁期。

夏曉

林莊早起獨開扉。繁綠陰陰曉色微。最愛  
一花明似雪。冷然澹眼白薔薇。

送人之北海道

當年蝦夷地。今分十一州。位置雖僻遠。猶見天眷優。其海鱗必足。其土禾菽稠。沙金竝煤炭。隨處非難求。開拓資國富。應得蠲民憂。誰能策經濟。賴以禩皇猷。君元講西學。慙與凡儒儔。一朝拂袂起。昂然爲北游。脚跟所檢踏。遺利期徧搜。巴港捨舟上。山河行闡幽。若窮千島外。風雲長滯留。勞苦洵如此。可無恩榮酬。近聞儲宮駕。卜日巡荒陬。

小金華歌

東奧金華山。金氣爛發彩。山貌亦異凡。鬼  
斧削崔嵬。此石產其下。髣髴能逼真。想見  
三峯秀。玲瓏光澤勻。藏之者爲誰。太白山  
中客。長庚分輝光。騷壇夙稱伯。曾徧賦石  
嶽。競秀千百篇。一朝獲尤物。遇合欣有緣。  
吾今試題詩。對石費冥想。恍聽風籟生。邱  
壑欲神往。佳話喧遠近。流布如置郵。嶂嶻  
一拳石。賴君足千秋。

秋來

漸見西方大火流。憑欄有客暗生愁。商聲  
入樹風聲變。顥氣橫空月氣浮。其奈單衫

偏怯夜。可堪雙鬢又驚秋。悽悽應候知何  
意。砌際早蛩啼不休。

秋晚野望

山郭殘陽晚霽。江鄉積水秋寒。菽花一岸  
欺雲。楓葉千林奪丹。

送勝島仙坡游長門峽二首

長門古峽赤楓秋。奇勝經年待闡幽。應有  
騷壇傳快舉。君今吟倚白雲樓。

仙峽秋楓紅錦堆。詩人幽興此間催。桃花  
休說當年事。唯賺漁翁入洞來。



歲晚書懷

課題

過隙奔駒不可羈。端居復值歲殘時。頭顱  
漸老頰援鏡。手腕無奇慙對棋。庭日慘陰  
霜拆土。林風乾峭葉離枝。且於冷處存閒  
興。耽詠儘裁長短詩。

千望

歲朝

春初遊澤堦

春曉

江干

春日雜詠  
五首

春望

散策似茶

藤花

夏日偶成

出塞曲

假山

憶

殘臘

雪夜有感書此

穆如清風閣用箋

歲朝

雞報天明淑景勻。雍熙自覺入王春。謳歌  
昌代豈無客。際會盛時應有人。巷陌蹄輪  
暗旭爰。園庭梅柳暖煙新。儒生依例閑家  
宴。杯勸屠蘇次第巡。

春初遊澧堤

澧堤  
陽田川  
堤  
不三

長堤未漲綺羅塵。景物清幽屬早春。雨霽

蓬空山潑黛。風過近渚水生鱗。他時裙屐  
遊偏俊。此日亭臺興轉新。擬劈雙柑傾斗  
酒。初鶯學曲隔叢筠。

春晚

曛曛紅日出。簾閣對朝晴。鳥語頻呼夢。花  
香儘解醒。投閒平昔願。任懶此時情。門外  
通衢路。已聞車馬行。

春日雜詠五首

鬱鬱多佳氣。皇城望不迷。上林花遠近。靈

沼柳高低。化洽敷窮北。交深結泰西。羣黎

誇盛事。珍貺貴賓賚。英國王旗携股帶勳章來朝

輔弼新為相。令名萃胃魁。玉階親袞綉。金

鼎任鹽梅。曾恨雄圖躡。今欣泰運開。所期

能贊化。物象抵春臺。西園寺侯爵為總理大臣

征戰殲驕虜。威名自不群。純袞同皦日。偉

器協青雲。寵遇皇恩渥。款邀民意殷。花環

携在手。兒女祝將軍。東京市民開陸軍凱旋大歡迎會

邊塞妖氛絕。無人抱隱憂。鶯花催淑景。裙

屐促佳遊。天地情非薄。刀兵事已休。及時

行樂耳。春色遍皇州。

東北足窮厄。饑民嗟惡年。鵠形應自吊。菜  
色使他憐。容易五州慘。等閒三月妍。風光  
似寒食。連竈不生煙。

東北三縣饑饉災及陸前陸中磐城岩代

陸真五國

### 江干

江干微雨霽。風物入芳春。慢水桃花岸。澹

煙楊柳津。從容魚自樂。浩蕩鳥難馴。我亦

巾車去。分明畫裡人。  
莊子曰鱖魚出遊從容是魚樂也

### 春望

勝墅依芳甸。入眸時景新。平林花列障。曲

徑草連裊。蝶過如求伴。鶯來自乞鄰。不辭

耽眺矚。又領一年春。

穆如清風閣用箋

散策似其

黃鳥聲聲求友啼。偏欣散策與君携。一杯  
風過花香動。滿野煙籠草色迷。行樂他年  
成舊夢。出遊此日有新題。莫嫌村店酒如  
水。對酌數杯聊到臍。

藤花

野藤生林際。成長條蔓抽。忽纏百尺樹。其  
狀如飛虬。葉合繁綠暗。萼綴濃紫柔。皆言  
物景好。豈料貽患憂。憐他棟梁質。拘束難  
自由。譬猶絢繩索。緊縛身作囚。脩幹蠹蝨  
入。枯死終臞腠。美材一朝廢。棄捐無人收。  
迥比蠱壯士。妖婦妨勇謀。又比蔽明主。佞  
豎危宏猷。日常侍旁側。肆毒侔仇讐。苟不  
加深省。禍害何曾休。感此獨嗟歎。誠訓從

穆如清風閣用箋

誰求懷哉白居易詠藤詩篇留

夏日偶成

不知三伏熱。氣味冷然宜。軒樹遮炎日。窓  
篔引細颺。呼童臨古帖。邀客覆殘棋。銷夏  
多幽興。可無詩紀之。

出塞曲

將軍邊陲受重寄。萬里督師懲驕恣。恩荷  
天寵玉詔優。威領家寶金刀利。將軍出塞  
屯精兵。號令太肅旗幟明。醜夷姦猾弄小  
策。不敢輕進期爭衡。將軍神智察詭譎。臨  
機方畧頃刻決。要囚奇襲收大功。夜遣偏  
帥衝巢穴。將軍坐帳掀雄鬚。壯士被甲振  
長軀。風雲暗澹絕漠迥。殘星數點光有無。  
將軍仔細較攻守。昂然意氣吞敵久。此時

傳捷奔騎來。已報擒縛獲魁首。

假山

不成城市想。對此悅吾神。危嶂削劖巧。平  
林排置新。雲煙如繞境。猿鶴或通鄰。托興  
耽幽賞。超然脫俗塵。

雁

悽唳何物過天畔。閨婦聞之柔腸斷。遠役  
征人無托書。胡雲邊月路杳漫。漏籌遲遲  
秋夜長。數盡居諸在空牀。欲援瑤瑟寫幽  
思。金雁飄落難作行。



殘臘

殘臘光陰欲盡天。幽居滋味總堪憐。候晴  
檐雀聲聲喜。偷煖牆梅朵朵妍。新酒奏勳  
聊發甕。小詩償債且題箋。莫嗤吾作迎春  
計。不省鬢霜看禡玄。

雪夜有感書此

寒飈庭外拂枯柯。奈此蕭條雪夜何。須爲  
窮氓憐凍餒。要教大塊促陽和。閒情未作  
幽蘭曲。深感頻思黃竹歌。東北各州逢歉  
歲。一冬愁苦訴冤多。

早春新晴分韻得庚

春閨早起深題

花時雜詩二首

白桃花

春寒

舊苑

春晚村居課題

戲詠牽牛花

秋日山行

深秋

秋晚村居深題

歲暮述懷用王穀原詩韻深題

早梅

分韻得齊

吟社大

上六

幹原韻

隨鷗吟社大會席上六石主幹原韻

驟雨分韻得齊

穆如清風閣用箋

十二月十八日清谿皆香園雅集即  
事

穆如清風閣用箋

早春新晴分韻得庚  
天氣今朝好。自怡詞客情。幽筠當砌翠。疎  
夢亞軒明。幾日應回煖。斯時正值晴。早鶯  
如促興。乍遞兩三聲。

春閨早起 詞題

紅梅鏡閣曙曦明。巧囀憐渠送妙聲。不使  
女奴輕着手。閨人早起餉籠鶯。

花時雜詩二首

裙履聯翩爭出家。麗都三月最繁華。真成  
雙美難優劣。花自似人人似花。  
輕風淡日弄春暄。行樂人人笑語繁。正是

東台三月候。櫻花天地酒乾坤。

白桃花

夜深湛露濕芳叢。風物仙庭無乃同。弄罷  
瑤簫春若水。白桃花綻月明中。

春寒

一縷爐煙裊出幃。流鶯聲歇已斜暉。梨花  
吹雪東風冷。又脫春衣着絮衣。

舊苑

舊苑春無主。仙宮對夕陽。風花時學舞。猶  
現白霓裳。

春晚村居

課類

忽忽光陰似轉輪。索居節物又殘春。村園  
葉合吳蠶熟。野塢花飛蜀鳥新。三月繁華  
憐短夢。百年榮達感輕塵。且留鄰叟耽農  
話。臭味偏從淡處真。

戲詠牽牛花

弱質柔姿比麗姝。帶愁瘦損要人扶。欲廣  
涼露未晞句。愧我才非宮阿蘇。

驟雨分韻得齊

峯頭潑墨黑雲低。頃刻挾風銀竹齊。霽景  
旋開夕陽麗。高林如畫掛長霓。

秋日山行

溪迴山轉路纔通。不厭探奇向此中。幽地  
元來得霜早。林楓已染五分紅。

十月十三日墨上八百松樓隨鷗吟

社大會席上次六石佐藤主幹原韻

尋盟無客不欣然。江閣清秋此盛筵。畫景

迴開紅樹外。詩情長在白鷗前。新聲裁曲

付羣妓。嘉壽表祥延。九賢勝會算來歡趣

足。何須更願棹觥觥。主幹新製臨之曲使

故云此會兼三島中洲股野藍田土屋鳳  
洲浩澤青淵塚原夢舟白石南岳金枝小  
句規瀨川古堂杉山三郊九老穆之濤風閣時

深秋

荷枯楓冷已深秋。水國蕭條晚日收。貰酒  
漁翁何處去。無多景致屬虛舟。

秋晚村居課題

幽地風光不盡閒。居節序將殘。蒿花野圃  
鋪雪。柿實山園點丹。

歲暮述懷用王穀原詩韻 課題

貧街賃屋久棲遯。復值殘年何所思。缺月  
觀窓燈燼夕。尖風穿壁酒消時。錢神恩薄  
猶憑彼。詩筆靈空欲想誰。似與先生同况  
味。餅梅等瘦一枝枝。  
誰誇榮貴著貂蟬。隱趣吾今不羨僊。畦種



菜蔬腴腩肉。林收柿栗大侔拳。竭末窮地  
拓佳境。未必索居辜勝緣。自笑旋成迎歲  
計。市壚貰酒口流涎。

早梅

竹外早回信。精神經臘加。但休願時賞。衆  
俗愛唐花。

十二月十八日榴社同人開月次雅  
會于清谿皆香園偶仙坡博士携其  
鄉備後三原土豪某氏所贈家釀粹  
之友者到迺次高季迪吳中親舊遠  
寄新酒詩韻賦此以誌一時興會併  
擬謝某氏

是粹是清材質新。酒中大聖易醺人。當筵  
臘日頒佳醜。一飲陶然早領春。

上日戲詠

新年雜詠

田家朝和歌朝題

遊熱海梅園

春初散策

栽花

蜂

蛙

春江漁父詞

夏日偶成

湖舟夜飲課題

澤國

遊淨真寺

宗參奇謁素行山鹿先生又墓賦此

題長城古堯

送某畫師赴石州

奇禍

冬日出遊

擬寄克堂全權在英京倫敦 鐵蓬齋

上日戲詠

上日團樂開宴時。渾家無恙入春嬉。吾齡  
六十新加二。笑把屠蘇最後卮。

新年雜詠

富家豪戶路東西。各自迎春瑞色齊。却笑  
名心難一擲。門松亦欲較高低。

田家朝

和歌初題

田舍頒官曆。元朝瑞氣屯。初煙騰出屋。嫩  
日耀當軒。翁媪齊強健。雞豚盡葶蕃。雍熙  
新甲子。寧謐舊乾坤。獻頌歡呼遍。加慶笑  
語溫。力耕家計給。餘蓄世功存。煮餅先陳  
膳。斟醪又引罇。爲農多樂意。擊壤亦皇恩。

遊熱海梅園

園三百畝梅萬株。傍山臨澗花綴珠。老幹  
槎枒水清淺。似披一幅羅浮圖。熱海元以  
靈泉著。更有此園風趣殊。我從澡後理杖  
履。探奇不厭苔蹊紆。神暢意適體自胖。一  
洗胸中煩累高。阜啟豁眼堪放小。亭灑洒  
茶可酌。此園夙計衆廢便。拮据幾歲勞工  
夫。乃知捐貲種梅者。豈是尋常營利徒。一  
朝獻爲皇家物。幸得永世存規模。騷人遊  
客浴恩惠。年年羣至同歡娛。梅樹有靈感  
應劫。着蕊着萼心不渝。不獨溫泉高聲價。  
熱海自此倍名區。玩景徜徉不知返。花林  
欲暝看模糊。此時人散境轉寂。煙外求侶  
仙禽呼。

春初散策

臘破東郊物景殊。欣然出郭被筇杖。野池  
氷解狐應聽。林隲鶻浮禽乃呼。天放晴光  
催淑節。我投老境得閒軀。徜徉半日聊乘  
興。不比名途客競趨。

栽花

芳菲幾種競韶華。留住他鄉情轉加。天地  
百年諳逆旅。雖非吾土亦栽花。



紙、紙、陽、陽、明、明、歌、歌、慶、慶、  
齊、齊、寘、寘、質、質、麌、麌、支、支、

蜂

二月三月紅雜紫。窠蜂營營惜寸晷。以花  
釀蜜晨昏忙。微物猶見公務長。外敵儻來  
發激忿。猛烈擊之威逾奮。態雖類狂非有  
他。祇護窠房真情多。君不記口蜜腹劍李  
林甫。傷人甘為衆怨府。

蛙

一種蛙旗稱田雞。田間羣處求其栖。徹宵  
亂鳴知何意。應是常有不平事。居高聽卑  
能然乎。偏憫喧噪勞微軀。目張腹膨徒含  
怒。欲向誰邊得慰撫。君不記晉惠昔曾問  
官私。忽遭尤右唾駭癡。

春江漁父詞

呂望渭濱應筮卜。非熊非羆。遭遇足。嚴光  
齊澤勞訪求。星動天象。寵眷優。爲嚴爲呂  
君勿說。我愛蓑笠人境別。桃花水暖。碧疊  
波。漁父逸興。從是多。葉舟乘雨。移棹去。半  
日網魚。抵薄暮。銀刀玉尺。盛籠堆。幾個更  
貫楊柳枝。便赴津店。換佳酒。酒香衝鼻。溢  
瓦缶。歸家一醉。百慮空。身世豈較窮與通。

夏日偶成

不須直就黑甜鄉。移榻呼茶。幽趣長。翠竹  
碧梧。遮畏日。一庭如水。午陰涼。

湖舟夜飲 課題

明月不解飲。猶是臨酒杯。放舟催涼酌。詞  
客佳懷開。扣舷歌聲發。醉態無物猜。留連  
興逾旺。夜闌欲忘回。荻蘆露珠送。風自湖  
心來。

澤國

秋風澤國滯孤蹤。其奈百憂攢滿胸。若誦  
騷篇求故事。客裳未害緝芙蓉。

遊淨真寺

名利關靈境。遠隔城市塵。參天喬木聳。遍  
地幽苔勻。移步尋寶殿。三棟三處鄰。金光  
隱隱動。九品列巨身。誰安置之者。珂磧古  
上人。功德長布世。奉佛化衆民。袿罷猶未  
去。佇立懽感頻。居僧出一揖。應接意頗親。  
迥掃庭際榻。相對證宿因。飛釜入談話。薦

吾茶湯新。

寺藏靈釜。以廣施衆。者也。

宗參寺謁素行山鹿先生之墓賦此  
古剎境幽邃。樹木交老翠。墓石三尺存。先生  
生塋此地。當其下書帷。傑物心自知。學博  
究經史。韜畧亦頗窺。江府居風卜。待價玉  
藏積。穗侯身辭招。重祿給千斛。從是聲譽  
殊。衆口稱名儒。豈計速奇禍。一朝遭讒誣。  
穗侯舊誼在。遠迎測寃罪。迺請任薰陶。士  
流戒懈怠。幾度寒暑更。值赦始慰情。東歸  
留江府。著述送餘生。勿謂雄志折。勿謂壯  
圖跌。講學完本分。何曾歎驚拙。爾後二百  
年。壘範儀型傳。所期勵節義。不敢屈勢權。  
居然大抱負。精神推不朽。宜哉拜恩綸。贈  
位榮寵厚。致敬來薦香。俯仰引感長。浮雲  
今全散。天日照布光。

題長城古瓦

始皇築長城。匈奴戢鋒銳。青史錄此事。茫  
茫二千歲。遺跡不湮滅。長城尚巍巍。君今  
遠探討。袖裏一磚歸。色黝如隕燧。質堅似  
鋼鐵。休做骨董看。珍物不忍媿。始皇帝王  
傑。器度非尋常。長城役衆力。壯圖破天荒。  
不唯厭夷蠻。實是駭寰宇。宜矣長城名。稱  
說傳萬古。埃及金字塔。巨構所屢閱。未若  
耀威武。長城策丕勳。此磚須秘藏。長城見  
片影。感嘆題詩篇。吾意請幸領。

送某畫師赴石州

石州以石著。得石山水奇。水借石傳韻。山  
倩石弄姿。我觀斷魚溪。此意終叵疑。石橫  
迴湍駛。石聳重嶂危。迺知石州地。維石充  
土宜。賞景能悉石。他物暫措之。君向石州  
去。彩毫例相隨。對石思我說。丹青有餘師。

奇禍

昨較東家叟。今驟西家夫。飛輪過巷陌。比  
此戕無辜。機械詭精巧。本從西洋輸。有利  
必有害。其弊臻茲乎。人皆具父母。珍惜重  
髮膚。如何買奇禍。忽殞六尺軀。行路噫難  
矣。出門齊踟躕。昭代之恨事。凶聞脅全都。



頂侵、有侵、福侵、隊侵、哥侵、藥侵、紙侵、霰侵

冬日出遊

牢晴天逾碧。遊意難自禁。杖策陟崇阜。撫  
景一散襟。霜錦未全卸。殘葉宜踈林。冬日  
煦可愛。相呼有幽禽。悠然藉草坐。我亦怡  
情深。物外得真趣。前哲殊堪欽。是時漸促  
晷。顧望暝色侵。禪栖隔郊甸。忽傳遙鐘音。

擬寄克堂全權在英京倫敦

牧野鏡

列強派使赴英京戰武共稱新締盟片語

憑君吾遠寄奏切真訣只純誠

穆如清風閣用箋

歲朝二首

梅花

江東探梅

春寒

春夜聽雨

桃源圖

墨隄花時雜詩三首

春晚偶成二首

夏夜遊不忍池

偶題

秋懷二首

殘荷

讀高青邱詩集

送人之清國二首

穆如清風閣用箋

歲朝二首

鳳曆春回物態殊。欣看和景入皇都。樓臺  
大道初陽動。花木名園生氣蘇。兵馬功勳  
欽偉業。衣冠禮樂仰良謨。安邊偃武應非  
遠。為祝昇平德化敷。

宮闕巍然祥霽間。千官鷄鷲趁仙班。御溝  
楊柳乍生態。禁苑梅花應破顏。帝業于今

瞻北極。王春此日賦南山。和歌勅題野人

也。試宸題好。抽筆沈吟句屢刪。

梅花

羣芳凋落後。含笑倚林廬。鬚鬚清香動。槎  
枒俗態除。湖舟誰放鶴。橋雪客騎驢。真賞  
唯幽士。孤高與世疎。

江東探梅

自是江春度未遲。數枝雪白照澄波。竹籬  
茅屋本宜畫。薄暝嫩寒偏可詩。清賞惟教  
蟾兔伴。幽尋豈許蝶蜂隨。幸然先領花消  
息。不怕臨風玉笛吹。

春寒

啼歇數聲黃栗留。春寒絲雨晚來稠。餘醺  
院落深簾夢。楊柳樓臺遠笛愁。何限風光  
歸黯淡。不多興味屬微幽。且將吟醉消閒  
晝。恰好屏居辭應酬。

春夜聽雨

小雨無多側耳聞。此時幽味與誰分。酒雖

淺酌例催醉。詩抵閒吟堪策勳。月暈逗蒼  
春黯淡。花香通座夜細溫。屏居不害履綦  
少。自有襟懷嫌俗氛。

桃源圖

桃花有真源。沿流窮幽澳。忽看洞門中。縱  
橫列舍屋。維昔避暴秦。于今謝時俗。老幼  
皆和愉。雞犬亦輯睦。驚異逢客臻。相邀傾  
鄰曲。應對談說多。變遷歎世局。須臾導歸  
家。杯盤薦酒肉。情厚不可辭。數日自留宿。

墨隄花時雜詩三首

江東三月好風光。矧是乘晴遊興長。千爵  
酒須浮竹葉。一籃餅亦帶櫻香。綺羅爭赴

燕。鶯。地。煙。水。誰。尋。魚。蟹。鄉。只。喜。及。時。行。樂。  
處。落。花。如。雪。滿。橫。塘。  
節。屆。豔。陽。風。物。妍。杖。藜。又。趁。雨。餘。天。鶯。花。  
千。樹。牛。祠。雪。春。水。半。篙。鷗。渡。煙。裙。屐。聯。翩。  
人。似。畫。亭。臺。瀟。灑。境。疑。仙。低。徊。更。吊。王。孫。  
墓。落。日。蘼。蕪。古。寺。前。  
萬。花。帶。濕。轉。妖。嬈。却。恨。風。光。易。寂。寥。驟。暖。  
烘。晴。無。數。日。輕。陰。催。雨。又。今。朝。重。簾。淺。夢。  
詩。人。榭。脆。管。清。絃。歌。妓。寮。一。點。游。塵。飛。不。  
到。畫。橋。楊。柳。影。蕭。蕭。

春晚偶成二首

有限韶光付歎嗟。可堪重倚碧窓紗。杜鵑  
一夜啼新樹。胡蝶三生戀故花。懶過市樓



沽美酒。擬尋禪榻。乞清茶。懺餘氣味。歸恬  
澹。厭說春風舊夢華。  
依然作客滯天涯。節物撩人苦自悲。千里  
懷鄉歸鴈夕。半旬臥病落花時。黃金囊底  
散何早。白壁櫃中售亦遲。爲憶家江數株  
柳。春風吹綠映空帷。

夏夜遊不忍池

輕衫試步水之涯。如此清宵幾以加。細細  
涼颺搖柳葉。團團明月照荷花。詩邊名勝  
諳圖畫。夢裡繁華認狹斜。閒處何妨吾亦  
醉。湖心賣酒有人家。

偶題

殘荷

尚記佳人盪畫舟。採蓮歌和此江頭。西風  
乍冷鴛鴦夢。暮雨應濃翡翠愁。雲葉涼花  
曾蔽水。迴汀曲。漱正生秋。他時陳迹誰重  
問。露白葭蒼。彌望幽。

讀高青邱詩集

明代求作家。寥寥不得數。僅有高青邱。昔  
賢接步武。初趨翰林班。榮寵擢戶部。謝曰  
無敢當。歸休臥衡宇。耽詠成素懷。聖世期  
小補。歌頌與諷箴。豈言推敲苦。底事天少  
恩。忽然罹罪罟。楮墨爲禍媒。吞冤赴冥府。  
文雅終難振。玷壇委羣豎。所以斯遺編。推  
獎獨千古。

空記彩毫曾賦春。情懷索莫早衰身。落花  
流水詞刪綺。野鶴閒雲境悟真。掩鏡或悲  
新白髮。振衣已謝舊紅塵。繁華全歇秋風  
冷。掃地焚香了靜因。

秋懷二首

高樓百尺碧津頭。有客登臨暗惹愁。世態  
浮雲偏易變。光陰逝水自難留。未橫仙笛  
騎黃鶴。欲放漁舟伴白鷗。又是莼鱸時節  
好。季鷹歸興可論不。

都門爲客久逡巡。又值涼秋感慨新。紫陌  
紅塵遊已倦。青山白屋夢空親。窮途逐逐  
柳榆鬼。季世滔滔翻覆人。書劍出關當日  
志。功名漫願畫麒麟。

送人之清國二首

禹域蕭條白日幽。慨然獨向此中遊。須將  
活識察時弊。其奈庸材貽世憂。玉關衣冠  
勳。闕盡金甌。家國寇讐稠。倘無東土仁人  
在。砥柱憑誰障激流。  
兩歲腥塵漲遠陬。知君前事一回頭。爭關  
大局非蠻貊。黨抵私圖是李牛。中國榮臣  
忘典彝。東隣義將督戈矛。經過抱感應難  
去。戰跡依然古滿洲。

新年遊玉川次淵明斜川韻

尋梅到柳島作

野寺看桃花二首

獨夜聞笛有感

春帆

芝山登觀德川氏靈時作

出城看芍藥二首

次本田種竹病中詩韻

柳塘野鴨

讀騷絕句

酬人以斗酒雙鱗見贈

杜鵑

尋山僧不遇作

馬上見賣白蓮者

珠簾

九月十三夜看月

菊

蘆花

谷口尋楓

新年遊玉川次淵明斜川韻

開歲已和景。時序循不休。茲携兩三友。聊  
擬斜川遊。風斂細漪碧。漸解添春流。聚散  
戲魴鯉。泛沒嬉鳧鷗。遙睇殊清曠。罨畫連  
林邱。天地留勝境。巾車宜我儔。席艸迺同  
懋。傾榼爲獻酬。歡愉今如此。可繼高躅不  
念之復歎息。胸次滌古憂。長吟靖節句。靖  
節何處求。

尋梅到柳島作

休澣不虛擲。約伴結束同。青鞋與布襪。去  
趁江之東。清晨初陽出。大地繁霜融。先欣  
嫩暖動。從卜芳信通。小橋接曲隄。莊僻翫

煩空。的。樂。花。集。靈。饒。謁。香。彌。風。主。翁。笑。豔。  
客。下。榻。園。林。中。啜。茗。耽。靜。賞。可。以。開。塵。胸。  
別。有。蟠。屈。樹。傲。岸。稱。臥。龍。枝。疎。蕾。纒。綴。幹。  
古。苔。全。封。崇。祠。敞。林。表。道。是。天。滿。宮。飛。梅。  
實。靈。異。誓。賴。欽。誠。忠。半。日。所。經。過。幽。勝。畧。  
已。窮。而。遊。意。未。慊。問。路。時。隨。童。柳。嶼。境。非。  
俗。亦。可。停。吟。筇。最。好。叩。酒。肆。急。命。杯。盤。供。  
妙。鬟。美。窈。窕。當。席。姝。顏。紅。雖。無。綠。衣。舞。留。  
賓。能。佐。懷。因。思。羅。浮。夢。豔。說。四。百。峯。我。今。  
獲。良。覲。得。非。趙。師。雄。諧。謔。俱。拊。掌。猷。酬。紛。  
難。終。留。連。向。昏。暮。皎。蟾。覩。簾。櫳。

野寺看桃花二首



野寺境幽。蹊自通。愛看春色。綴輕紅。免葵  
燕麥亦何惡。傍個桃花同動風。  
郭外蕭條野衲家。種桃幾樹。襯紅霞。春風  
多少。閒公案。一笑拈花又散花。

獨夜聞笛有感

獨夜幽以寥。逸愁笛聲起。庭院生清寒。花

林急飄蕊。吾友冰雪姿。絕塵與梅比。騎鶴

歸道山。交遊長已矣。

新得大久保  
湘南訃故云

念之腸

傷懷。掩柳復揮涕。此時腔逾哀。吹恨滿庭  
邇。感深耿難眠。暫步苔砌裏。梅落人亦空。  
只覺月如水。

春帆

扁舟輕葉葉。穩挂片帆行。螺髻遙岑翠。鏡  
函平浦明。春潮無激浪。曉日忽新晴。浩蕩  
前程好。浮鷗送復迎。

芝山登觀德川氏靈時作

乃祖手中三尺劍。戡定禍難戮。驕僭羣雄  
反側心未降。往往懷抱覲覲念。誓續遺緒  
完宏圖。偷安豈可貪。驩虞規畫果成。霸業  
大。將軍號令通遐隅。芝山境邃。器氣絕。卜  
地累葉。此埋骨。千章古木森參天。相戒無  
復斧斤伐。我來下馬蕭寺前。歷巡靈時增  
敬虔。祠廟金碧生爛彩。垣墻丹粉含餘妍。  
矧有老衲言可證。陳說舊事立苔徑。當其  
配享禮頗優。居然血食及嬪媵。嗚呼規模

不如斯。何以典型開丕基。百歲經綸非徒爾。能撫庶黎稱雍熙。星移物換世代改。皇謨恢弘包寰海。恭順子孫亦去賢。祠廟存祀儼長在。

出城看芍藥二首

四月清和自可人。意行出郭岸詩中。陰陰

新樹幽莊裡。貯得一枝婪尾春。

主人好事手栽培。便覺村園氣色催。祇是

物多翻致賤。等閒看過數花開。

查慎行翁  
康節富齋

看芍藥詩  
嗟爾本名  
花曰多乃  
致賤云云

次本田種竹病中詩韻

善愁天氣晝生陰。倚枕殘春感易深。新樹  
兩邊鶻乍語。落花風裏蝶猶尋。無端瓜  
柔情在。其奈懨懨小病侵。料識東台詩酒  
侶。履綦遵例趁幽林。種竹以去冬臘月創  
自然吟社爾來每月

一曰閑詩會  
于東台鶻野鴨  
柳塘野鴨

春塘慢水雨餘足。蘸影柳條短長綠。綠頭

紅掌羣呼名。逍遙自勝高飛鶻。同浴  
波浪開。駢行躡蹻汀渚迴。姿態一一存畫  
翅。容易身入橫幅來。野處平生慣安穩。隔  
絕人間禍機遠。欲哂山陰道士鵝。早遭右  
軍換書返。

讀騷絕句

穆如清風閣用箋

美人香草寫相思。便是千秋絕妙辭。悵  
芬芳深致意。一篇哀郢自吾師。

酬人以斗酒雙鱗見贈

榴花拆庭砌。艾葉抽池濱。檢曆正端午。慙  
乏厨下珍。坐覺食指動。門報佳貺臻。老饕  
頓發興。命婦杯盤陳。鮮鱸詫肥美。釀酒憐  
芳醇。愛此琥珀色。相映銀絲新。豐供何豪  
侈。異味齊上唇。大嚼仍劇飲。未似平生貧。  
意態殊暢適。懶效三閭繫。獨醒今無用。酌  
酌酬令辰。感君分惠厚。喜君交情真。裁詩  
致深謝。醉字歌斜頻。

杜鰾

一雨餘花空。四鄰樹柯碧。幽人倚檐際。詩  
懷抵蜀魄。不知何處飛。空翠杳無跡。靜坐  
添爐香。側耳逾岑寂。林鐸明斜陽。向晚宿  
雲拆。天外乍啼過。其聲似裂帛。

尋山僧不遇作

浮生一齷齪。半日憐此閒。捫蘿躡危磴。穿

竹敲幽關。如何師飛錫。又出猶未還。殘經  
攤牀上。長拂懸壁間。庭砌行迹絕。蘚紋侵  
階斑。流泉獨破寂。徹耳聞潺湲。低回悵難  
去。看盡斜陽山。輕翠合林樾。嵐氣來撲顏。

馬上見賣白蓮者

湖光明瑩淨似鏡。亭亭素蘂抽碧漪。早行

驅馬曉色裡。按響偶爾登脩陂。憐渠冷豔  
獨照影。悄立無語依幽渚。中心蘊結應有  
恨。月殘風曉難禁持。來折蓮莖何爲者。盈  
把珠露牽輕絲。自言擔挑城市去。聊換合  
戶鹽米資。城市熱關多俗客。未知真賞終  
屬誰。我恐尋常塵垢面。容易唐突瓊瑤姿。  
不如長托閒寂地。高潔性格成夙期。只教  
麗質保殊操。畢生彙指那須悲。念之反覆  
催感慨。途上招張揚鞭遲。此時曠曠日將  
出。遠郊冥霧須臾披。野景入眸頓啟豁。平  
衍原濕連邈迤。水煙搖曳孤廟峙。令人漫  
憶露筋祠。

珠簾

誰穿珠露誇奇工。夏閨日夕裝房櫳。水簟  
銀屏影相映。玲瓏生彩氣。埃空。晚來妝成  
新出浴。白紵稱身涼意足。應憐茉莉香飄  
階。揭鈎不惜纖纖玉。

九月十三夜看月

孀娥何皓潔。斯夕捲簾看。玉宇清光霽。金  
天灑氣寒。江空明近水。野濶隱遙巒。不減  
中秋景。啣杯且倚欄。

菊

懶隨桃李競。懽際霜後淡。英香獨濃。自昔  
所稱唯晚節。予今最重是秋容。荒籬廢檻  
生佳氣。癡蝶遊蜂失浪蹤。爲憶陶園三徑



裡。結鄰平日有孤松。

蘆花

生涯冷淡甚。托根寒水磯。霜餘幸未折。風  
裡旋欲飛。湓浦宅畔繞。夔峽洲前圍。且將  
石蘿月。分映漁人扉。漁人本恬澹。貧居遠  
免機。聚葉燒晚竈。收花絮冬衣。供給隨分  
在。因免廢物譏。天賦實如此。詎傷世榮微。

谷口尋楓

意行聊探尋。微徑通邃谷。秋色一何妍。彩  
輝騰熠煜。乃是楓樹林。臨風霜緋曝。晷映  
斜照中。恍見霞綺簇。旋有寒碧迴。潭水匯  
巖麓。鏡光真晶瑩。倒景涵錦縠。卜鄰者何

人。幽處構小築。倘準桃花例。分明仙子屋。

穆如清風閣用箋

